

謝氏族譜

肆

卷





謝翁諱崇緒字子能年伯先生傳

客有問於余曰人胡爲傳傳奇耳余曰不然書有之庸德之行庸言之謹聖賢之所以法當時傳後世者惟此明天子木鐸之狗道人之警亦惟此客憬然曰然則人之所以傳者孝耳友耳外是皆逐末忘本如射者不赴於的御者或詭於正烏乎傳時郴陽好友段子摺書起而言曰如子之論吾鄉中猶及見其人若子翁年伯者言行無過品質端方自幼善事其父若母先意成志始終不懈迨後哀毀骨立慈烏之集殆不過是與其弟連翁恪遵先訓世篤忠厚分痛分甘怡怡如也年逾六旬邑父母製錦稱觴用褒厥德都人士猶以善

美難罄復請於州憲旌其里居曰貽謀裕後今嗣子突起如
謚紀之兩難元仲之二將有德者昌其量百世昔人之言信
而有徵如斯人者可以傳矣余曰唯唯熾而昌者壽而臧者
而艾者昌而大吾誰與歸其斯人與爰爲之贊曰幡然一老
襟懷浩七珠玉在抱惟善爲寶挾華摛藻月旦評好阻長路
道爲之顛倒

大清雍正十三年秋月

吉日

賜進士文林郎候選知縣衡山年家眷晚生康曾詔廷命氏

頓首敬撰

耆民謝公諱崇緒字子能壽帳文

耆民謝子能以孝友仁睦著稱鄉里蓋敦行人也先是族人
被事上憲予錫贖而苦於貧難子能率其弟連拔爭出重
金爲宗黨倡賴以貸適余蒞治未浹月而憲檄適至得悉
其事余喜而嘉之旌其廬曰敦倫睦族噫是舉也固足以見
子能好義之一端而卽可信其孝友仁睦之大概矣今子能
周甲又一載而里黨姻戚以及聞風慕義之儔繪圖以祝此
固人情秉彝之好乎吾於此可以觀天矣天之於物也因材
而篤欲茂其枝必沃其根子能行義一生由茲以往而大耋
而期頤以其所以壽身者以壽及子若孫此固可信其必然

也夫親親長長而天下平天下者家之所積也余宰茲土有
風化之責令邑人而皆若是也下以厚風俗卽上以酬國
典余於斯民有厚望未必不自子能兆之也今子能子瑩持
其圖以言請余固樂爲子能壽因弁數語於其端並爲其子
勗蓋猶徃者旌廬之意云爾

皇清雍正三年乙巳歲夷則月中浣

穀旦

賜進士出身文林郎知湖南直隸郴州興甯縣事前翰林院
教習典禮董樞題贈

謝公講崇級字連拔先生傳

乙卯春予偕諸君子同學於甯地之石蓮仙時程水謝子郁

文從予遊穎悟能文章蘊藉風流予奇之遡厥秀靈所自因
知其父連拔先生之爲人闊達有大度市利不拘與之語道
理論人情鄙吝俱釋慷慨樂施與賑貧乏徃徃倒囊弗惜人
有非辜輒爲代出貲數十金不取償德之者未可持籌數斯
非有得於周禮大司徒教民任恤之風者歟厥問隆隆甯邑
侯董公植聞其賢賜以匾題其額曰敦倫睦族遣使恭禮造
於其廬焉至是而德音益丕振程之地薰其德而良善者踵
相接可不謂君子其人歟書曰皇天無親惟德是輔易曰積
善之家必有利慶其言茲若人之傳乎宜乎一索再索亭匕
物表而未可量也歟

雍正十三年乙卯歲仲秋月中浣

穀旦

古便水廩生曹 裕弼工氏拜手敬題

耆民謝公諱忠岱字聲遠夫婦雙壽帳文

壽者受也亦酬也惟視乎其人之所受而後以其壽酬之故
必得其壽歸之大德之人匪是勿濫予焉知此可以壽我聲
老封翁暨 閩君尹孺人矣 翁其顯元年兄之尊人也顯

元爲予書院士固予所許爲豐城劍氣者科試見賞於州尊
謝公仲坵冠軍入學今夏歲試顯元列高等食廩餼余適提
調郡城折其卷益幸向之欣賞不虛而源潔流清之慕亦於
是彌切矣已而廉其家世知 翁之尊人曰 連拔公之前

令董會以友善表其廬 翁爲主器幼奮芸窻皎若玉樹
人競以元白風度目之繼以失怙早孤經理家政奉事孀慈
承歡無缺撫其羣季胥克有成而毓文年兄尤名震膠庠慷
慨好義者二令弟無祿 翁勗齋鞠孤類皆爲人所難能觀
於大翁之敦行孝友而孺人佐助之賢概可知也 翁衣冠
舉止有古先民風意氣豪雄則如鳳翥心性醞釀則如淵涵
好禮賢遇文士名流輒相延欸而於鄉里急難尤樂爲周恤
孺人貞靜幽閒無妬心無德色常有解珮之投捐釵之贈雞
鳴靜好眞無愧於宣鹿少梁鴻光也所謂內外合德者非耶
惟積旣厚斯流有光顯元固執耳文壇而長君綱三君輝又

皆成均雋品堪空冀北之羣棣萼聯輝知 翁之一經授于

孺人之三遷擇鄰不少寬矣且諸孫林立頭角崢嶸將來光

家乘而大門閭正未有艾此固德中自有之報詎足為 翁

與 孺人異哉夫積善凝禱長者行也表微闡幽有司責也

今以 翁與 孺人之德若此是其翁受為有本矣即酬之

以大蓋期頤亦理所應得則已然之福已兆其端而將來之

壽不大可必哉以故稱其善行不獨士民即州尊謝公且贈

以匾曰偕老義方遣使造廬示 特恩焉令甯人而盡如

斯也風其進於古歟余忝有風化之司而於顯元復有師生

之誼聞其令德即欲以耆賓舉俾光鉅典以勵末俗 翁再

三固辭余益服其高致然天道好謙異日者 紫誥 金章

賁於錦堂翁與 孺人身受而坐膺之使甯人交相羨曰某

某積德厥報如是也其於勸善之治不無小補又安能無一

言以揚美乎今 翁與 孺人花甲齊週弧輓雙懸紳士丐

子言爲慶余不敏謹以頌德祝壽者爲 翁與孺人并侑霞

觴是爲序

乾隆己丑仲秋月上浣 穀旦

賜進士文林郎署知直隸郴州興甯縣事加三級記軍功一次

年家眷弟蔡昌詒頓首敬撰

言上方言
耆賓大蘊公字登瀛先生傳

今夫霄壤間無所可否之人生無益於時歿無聞於後此固庸碌不足數者也若夫羣相毗倚之人大能爲天地立心爲生民立命小卽作椽於羗邑可以解羗邑之紛爲評于鄉鄰可以排鄉鄰之難要亦人所欽服焉今處士謝公其人者質姓岐嶷才能侷儻不以晚近之習易古處之風且少負大志運際滄桑超然肥遯獨專心課子以故季君名蜚蠻序次君亦鄉國善士然始椽榔羗鹿廕六城無不服其公戴其德其爲羣相毘倚何如也迨身隱歸農創業建廈不失陶倚之術履豐處盈天年終老縣君仰其高風閭邑欽其令望敦請

者賓與禮鄉飲止邀大典寵錫皇恩良由齒德兼隆月以致
之奚獨梓里之光哉在昔謝之先漢有堯卿退隱以保身晉
有安石退隱以全節公之隱遯邀榮得毋類是公諱大
蘊字登瀛嗣孫與主譜事欲載颺先德問序於余余生也晚
猶得炙耿光親芝宇罄稔其生平今卽登仙錄賓玉京有可
想像而摹倣之者因爲之詞以紀其盛云

雍正十三年乙卯歲仲秋月上浣日

穀旦

庠生曹傑拜撰

處士崇獬公字九文家序

大凡功名可羨者咸樂其知遇之隆才猷克著者共慶其事業之大若夫身居隱約興甘林泉採山釣水激流枕石此固幽人逸士之所爲要亦鄉里閭黨所深重也今我親翁處士其人者竊有足多焉親翁賦性僕慤存心溫良有非晚近澆漓之習所得而比擬者守己持重有如渾金璞玉之山公接人和藹有如光風霽月之茂叔醇謹老成有如行不愧影寢不愧衾之蔡君而且憐孤寡恤貧困則懷羊舌之仁廓成之德也至若不畏強禦而莫撓不因萋菲而退縮謂非有爲有守者而能若是乎嗟乎碩德殊行若親翁砥節礪志

若親翁夫亦窮通不改常變不易作中流之砥柱爲盛世之
逸叟又何必羨功名著才猷不蹈幽人之所爲而後能播令
聞於不衰也哉余辱叨婚媾信親翁之有潛德因嗣君主修
譜事而爲之發其幽光不禁諄乚然著之於序以爲後之人
氏勸焉

大清雍正十三年乙卯歲仲秋月上浣 穀旦

姍眷弟廩生焦尙超拜題

崇旒公孺人廖太君像贊

太母爲謝于廷柱廷書之母而廷柱廷書爲余外孫壻也歲
時往來之際手出 大母像圖索余一贊以爲幘首余惟穩

大君之德孝以事上仁以御下足以風世而振俗故樂得而

表彰之其詞曰

山川孕靈降生婺宿貞靜溫惠柔順和淑俾臧俾嘉式金式玉
棣匕威儀和熊挽鹿緬彼芳容幽閒穆穆獨坐丹青卽之儼若
影正形端神清氣肅釐爾子孫欽此珮服

旨

雍正十三年乙卯冬月吉日

穀旦

庠生曹 傑拜題

庠生崇獅公字周先先生傳

文學謝君者甯邑庠生也諱崇獅字周先其先會稽人屢遷
至江右永甯乃爲發源之祖明初始遷甯邑程鄉十一世而
生耆賓公君其季子也君幼有遠志手不釋卷與余同事筆
硯者屢年而知君爲最悉君長余六歲初不以年長自恃善
相勸過相規藏焉修焉游焉息焉無不交相鼓勵者康熙丙
寅年學使來衡試士君卽以是科獲雋余竟勒帛於紅故贈
一聯以賀之曰同志同方並期旗鼓建中原却羨祖鞭先着
步一潛一見獨採芹藻遊上苑最矜江筆蚤生花斯時先正
謝公子英爲之賞訝不已曰所謂自嘲而實自譽也君性稍

魯而勤學如程子云參也竟以魯得之此言差堪彷彿也然
 胸中恒以古人自較含任咀沈轅宋凌顏余嘗驚其才之壯
 而意之新有非強壯少年之所能及者以此言之其為多聞
 博洽之儒與第有志奮飛無遇上進見其事終措大遂退隱
 林泉不以紛華靡麗炫其志其又高蹈遠引之匹也余深喜
 其見之高而守之定也故為掇畧於斯以當今之文獻者不
 得僅以遺民佚叟目之洵足為吾鄉之所豔稱有如此

雍正十三年乙卯歲仲秋月上浣

穀旦

文學館員香齋西苑主出籍崇幃字周

庠生曹傑撰

率主崇幃公字與長於主新

王修處士忠樑公字廷柱先生序

翁諱忠樑字廷柱石菴其號也厥祖大科父崇猷皆慕義強
仁篤實君子以故 翁生岐嶷魁梧卓犖初年有志青雲奮
勵詩書未獲入室而高堂後先繼逝哭泣悲哀弔者多不忍
聞除喪後遂能刮磨豪習重知人情一切齷齪卑靡之氣洗
剔殆盡其居家朝夕克勤不以便安爲務出入錢谷稍有贏
餘輒以給貧乏排難解紛又其剩事昆季有三 翁行居次
惟見恂匕友愛不減姜家之風遇急難處獨毅然敢前威勢
迫急不畏也吾鄉山秀水清中洲淑氣所磅礴而鬱積者

翁殆其人與 翁合族繕修家譜洵鉅典也攷之先世發祥

於烏衣昌大於豫罷籍永甯徙古鄘乃遷於蓼江市之大路
脚子性蕃衍自本宗以及馬頭源塘魯塘水西戶口則云七
也人才則濟濟也而家乘之作必推 翁以爲首事良由

翁本世德以愛敬人而翁因爲人愛敬以托重焉 翁承斯
任第見夙夜凜乚凡親疎遠近幽顯得失悉從平易未敢偏
徇以授品題是能明以察幾健以致決將來

朝廷選任才能舍翁其誰屬耶子有三皆姿性不凡可育可教
無容多嘖 翁爲吾族叔諱尙超之乘龍門櫓故深悉其爲
人非敢阿私所好云耳是爲序

雍正十三年乙卯歲季冬月上浣

吉旦

同里年眷內小弟焦書綸與參甫拜撰

庠生崇瑤公字公璜先生墓誌銘

先生諱崇瑤字公璜號辰崗森外父也世居邑北路大路腳
祖諱本作多隱德奉內外神甚虔嘗夜夢白頭翁衣冠偉然
祝曰君善行多矣其後必昌子二先生之父行次亦克承先
志元配曹孺人生男四先生親母張氏其繼室也獨育先生
一人而行次居晚賦質嶷岐頗有大志其膂力更超絕流輩
兼精騎射曾角技演武場所發輒中雖行間僉謂莫及自幼
喜讀書姿性不甚異人然功力極猛晝所誦習夜輒朗吟
堂中有聲牙者必再三抽繹達旦不肯休一切經史傳記叩

之纍七如貫珠時論咸以遠大期之艱於數僅入武庠內外
場俱入彀人力勸徃省應舉先生慨然曰功名數也吾守吾
本分足矣何必向名利場中逐鹿耶自守恬靜遇人無尊卑
一以和平下之間有以非禮投者事過卽忘絕口不言人過
失以是內外親疎無不服先生盛德尤篤于孝友怡聲下氣
極得親歡心母嘗多病先生親侍湯藥日夜不離左右衣不
解帶者三月母病賴安家素饒裕父以少子故篤愛先生折
產時欲擇其豐美者私與之先生堅辭不受事長兄亦如嚴
父二兄故使酒好氣所投輒受未嘗有一毫芥蒂少戕同氣
之恩待諸子姪不啻如己出推食解衣卽傾囊予之勿惜以

故子姪十數輩俱家給人足不致貽累饑寒皆出先生之賜
至處親戚朋友一以誠樸相砥礪磊落自喜視今之外托大
度而中懷叵測者迥若逕庭嘗曰吾最愛周濂溪光風霽月
氣象恨不能從學力中得來其品概大率類此嗚呼先生生
於國運昇平之後文物日盛實意淺衰而行已待人乃能
敦篤古道若此此豈可易求之流俗中也哉又聞先生初
生時母夢神人抱兒至床前疑先生所就當不僅是然一
生大節無忝令譽嘖七鄉黨間是亦可法而可傳也生於康
熙丙午年三月十六日康熙辛丑冬十月初一日以疾卒於
家享年五十有六元配曹孺人繼配黃孺人子三長聘曹孺

人出次璧三豪黃孺人出女四長適顯森次適曹端三適方
華岐四適曹昌熊俱業儒森於先生半子也受恩日久而
又聆其遺徽甚悉茲值謝氏譜成又內弟聘欲爲先生暨
墓碑爰次其梗概以俟後之君子論定者銘曰德備於已志
違乎時干莫埋光今古同悲幸有令子能獲父菑偉矣芳踪
亦世可師

大清雍正十三年乙卯歲冬月吉旦

乙卯科亞魁女壻許顯森竣林氏薰沐頓首拜撰

崇瑤公孺人曹太君像贊有引

寧治之北藝市謝君崇瑤字公皇邑庠長者也久以溫醇謹慤

重於時其鄉人每爲予道其內助曹孺人之賢性端淑寡言
笑甘樸素勤勞捺作徃七午夜不休凡養祭之具賓客之需
倉卒可立辦豐而且精故謝君得以敦詩說禮與薦紳先生
高朋韻士相頡頏了無內顧憂孺人之力居多且訓子以禮
讓戒以勤學尤有古列女遺風嗚呼可不謂賢哉天年考終
聲稱嘖嘖有以也夫其女壻許君竣林一日奉其遺容請贊
余旣重許君之請而復喜孺人之賢爲不愧吾筆也爰拜手
而爲之贊 肅肅其容鏘々其佩恍若幽閒之可卽儼然芳
大徽之坐對宜其聞譽以播於鄉鄰教言永孚于閭內積厚而
光自流人亡而名常在其殆古敬姜德耀之儔夫豈人也縞

衣墓巾之輩

大清雍正十有二年甲寅上浣

穀旦

特授湖南直隸郴州興寧司訓星沙弟魏琛廷獻甫拜撰

庠生大樸公字若仙先生序

名高華胄族著通都祖德宗功創垂累世之基雲興霧集起
翊名士之運詩禮傳家文章華國如同里謝先生有可得而
稱述之推重之也先生諱大樸字若仙幼從先嚴焚巾矢志
尊師取友不媿蘇章負遠之殷好士推賢實類有道獎成之
美期棘院以先驅自超轅下向泮宮而脫穎早試囊中蓋以

弓冶之良所賴箕裘之繼韜光秘寶含秀斂華掇江花于筆
底瀾翻五色溯謝草於堦前辟易萬人要以英年卓犖古學
弘深入賈馬之堂聲稱博雅并宋班之駕望洽才華據典摹
經學實本乎濂洛中規合範文竊類乎瞿唐掌上出經綸捲
風雲於萬里胸中涵錦繡勝花月於三春若夫敬遵遺命孝
友萃於一門克慎家謀燕翼成乎二嗣難追寢膳卜兆之事
益勤言念孔懷字孤之情愈篤恩加宗黨晨夕待炊詎重親
知金石爲信至於放懷山水爰擬顧況之七松托志田園堪
企陶潛之五柳洵碩德之可師亦芳徽之足挹次君纂修族
譜索余撰 公序文余也幸共枌榆確徵聞見敬摛蕪箋若

護日加讚
無足爲輕重處據潛德或有係於彰揚匪曰當代之新編實
作他年之傳錄不特一人之私幸要一百世所共聞謹序

雍正十三年乙卯歲桂月中浣

穀旦

庠生曹

傑拜撰

大庠生大素公字亥仲先生傳

先生諱大素字亥仲號辰峯經歷本植之仲子庠生大樸之

愛弟也少負奇氣倜儻不羈美丰儀人皆擬爲衛玠之流目

能數行下過輒不忘每市鄉會房稿微寓目悉聽同人持去

爲時文必宗先正大家無頭巾氣習年十六而文名盛一日

偶過市閱屠家會計簿曰是可焚也取付火屠倉惶失措

先生索筆默寫毫無訛誤其姿性之敏捷大率類此既而
力詩古文詞休七藝圃間含經漱史年二十不應童試怪問
之曰未逢伯樂耳洎名進士高公諱燠臨縣素精品題先
生曰伯樂至矣欣然就試果冠軍州試亦如之及憲試學使
奇其才首拔之賜以衣冠隨出卷示高謂是五鳳棲手也高
由是益器之旌以文冠湖湘之額先生固善高出八內署
誼比金蘭談經論文外畧無陳乞高亦不以勢利累先生
先生雖席豐履盛然心常坦蕩亦不以富貴動其心其居鄉
戶常扁客交接凡富豪過者至以錢愚目之所往來惟有詩
文唱和惜才奇數厄年甫廿七遂罹篤疾臨卒之日發笥檢

生平所著盡付兄大樸囑之曰弟生不能簪筆螭頭留此殘
編竟教後之于弟克紹吾志吾于泉臺陰靈有所望也言訖
竟齋志以殞時高公陞刺郴計聞驚怛唁以文畧云鸚鵡賦
成痛緋衣之促詔池塘詩就嗟少微之埋光蓋以靈運希逸
况之也今讀其文詞其氣象宏富處宛類相如其語句簡古
處有若子雲錦心綉口玉珮瓊瑤巍然而蛟龍翔蔚然虎
豹躍於以昭來學而垂無窮 先生死且不朽矣
論曰昔尤展成哭湯子卿誅辭謂天以忌才爲道余大不然
之逮觀亥仲 先生思入風雲唾成珠玉且操履端嚴風期
卓犖而其食報一與湯子無殊則展成之言豈云過哉

大清雍正十三年乙卯歲桂月

郴州學正兼理興甯教諭李士藩頓首拜撰

讀叔父手澤有感賦詩一律

遐思叔範渺雲邊祇得一編在案前字字有形聲寂七行

行無語泪漣七瓊宮花錦翻成夢王國龍文化作煙惟願

英靈常不昧佑昌後嗣紹先賢

大清雍正十三年乙卯歲仲秋月上浣日

穀旦

愚姪崇久百拜感題

大初公孺人樊太君貞節序

成天下之事功易立天下之節義難語節義之難者又莫難於婦人之所守撫而孤幼振而先業陰柔之身百責所萃其大負荷之難如此內無所藉外無所資煢然孑立狼狽無依其楨立之難如此斯須檢點之或疎則羣議紛然而起凜凜焉戒慎避嫌之心自少至老一時不敢少懈則必有聖人之資聖學之功者始足以守之而不渝其操存之難又如此是其所守不爲天下之至難者歟吾鄉謝母樊孺人姻翁西仲謝先生之配也年當念七姻翁見背撇男孤弱長君九歲次君八歲季君尙爲遺腹太母左提右挈大哺小乳恩斯勤斯不

辭勞瘁且廼師教育有和丸畫荻之風勉于大義盡截髮斷
機之節支持家計絲粒無虧極手拮口瘠之苦故郎君多苟
薛之譽諸孫爲封羯之侶持顛而立扶危而安歷八十餘年
而令終有淑斯其負荷其樞立其操存不又爲婦人守節中
之至難至艱者歟即使上而朝廷旌表之下而諸君子歌詠
而頌揚之固足以彰激勵風俗之典亦足以見良心不泯之
機寧非川岳光華天地精英之氣盡萃於婦人之身而然乎
余屬戚晚愧不能表彰懿行以爲交遊光寵茲惟纂修家乘
僭掇巴語于簡末於以發其幽光以俟後之作史者採擇焉
是爲序

崇多公字孔益先生傳

謝君崇多字孔益號湘源若仙先生令嗣也仁孝性成英敏
特出廿時奮志雲程數竒不偶 先生泰然自得祖厥先清
風明月之遺生平樂善好公最愛諷誦帝君陰騭文嘗曰人
苟存心利濟豈必居官始能及物耶歲癸亥冬大雪忽有老
叟仆卧于門外不知爲何許人也氣息奄奄將盡觀者咸趨
避若浼 先生一見惻然扶之入溫語慰撫授以衣食得不
死信宿始送之就道又一日有負餉者貧無以償差督之甚
迫 先生爲解囊資之絕口不言已德至若解忿息爭如秤
之有權尺之有度竟有不訟於官而羣質於其庭者一經評

論便釋然而去先是邑侯倪夫子恒器重之旌以世澤流芳
之額先生吾族叔祖諱炳字昭若先生之女壻也叔祖
心契良久謂他日必光門楣今接其言動衣冠考其立身行
己真可砥末俗而挽頽風者豈碌碌無短長輩所能擬其大
概乎適謝氏族譜告成余作爲實錄以次其梗概使後之君
子聞先生之風者其亦可以油然而興也與

雍正十三年乙卯菊月上浣

穀旦

亞魁鏡溪年家眷內姪許顯森峻林氏薰沐拜撰

題謝崇多公字孔薰老封翁贊

辰岡孕秀程水凝祥萬生厥老偉岸堂皇風高林壑多商山
香山之雅况跡戀卷阿擬東海北海之輝光樸而近古用靡
不臧看破名關利鎖飄然塵區之外培成桂萼蘭芽馥然王
國之香人頌僉言其行實我稱獨舉其大綱爰爲公頌卽

爲公揚公殆超五柳七松處士其長發其昌

崇多公孺人許太君贊

卓哉謝母大孺人間氣特鍾大邦子幽閒貞靜著坤儀勤儉
仍然執篋篋舉案羣推昔孟光脫簪共仰古姜媼末世區區
班柳姬只合左右持鞭弭有子直追孫仲謀龍駒鳳翥誰不

齒佇看綸音下日邊蘭桂繽紛相濟美德盛由來應發祥於
維孺人今其是允矣五世肇厥昌彤管揚休膺繁祉

眷晚末庠生袁祖河頓首敬題

謝母許氏孺人贊

挹坤儀于簡編惟仇妣兮誰嗣矢淑慎如夫人跨陶柳而繼
志鹿車躑躅乎鮮原機聲呶啞乎階砌髮青青而頻捐轄纍
匕而疊繫樛仁歌兮祥若雲麟趾咏兮福如茨宜萱草之長
榮享滫瀡於無旣漫握管而宣揚看鳳詔之飛至

程源直月廩生曹享時敏齋氏拜題

王纂崇以公字懿徵先生序

嘗觀世之享大名顯當世者類皆有大業鴻猷超卓今古赫
赫在人耳目間此大丈夫得志于時者之所爲也次則才能
卓犖性氣倜儻可以宜民善俗可以排難解紛若許邵之月
日王烈之鄉評在邦而必聞在家而必聞焉今於逸士謝公
崇久字懿徵余竊深有意焉 公東山舊裔北里高賢幼而
穎異同正字之神明長而勤學披王氏之緗帙乃邁數奇而
艱於遇也隱居泉石比盤谷之清期高臥窻櫺近羲皇之上
侶英風霞舉咸欽有道仁人豪氣雲凌共仰篤行君子可謂
頤志葆真和光抱璞者矣良由 公之先代有高人賭墅之

雅量夢草之奇姿遠垂遺德疊山之名節閣部之清貞近著
休聲迄士崇公徙居程里十世而祖本樞生厚德而巨富仕
籍經歷十一世而父大樸生力學而成名英聲鬢序而公
不以是挈長短爭是非坦懷服物平易近人公之篤厚如
是非所稱善人國之紀而家之珍乎公雖未克音大名顯

當世其爲月日鄉評者又何多讓焉公固敦崇實修尤其孝
思不匱始念先靈未妥倡屬族人建造宗祠永年春露秋霜
奉禋祀而薦苾芬者咸於是乎在繼今歲際橘如合修譜牒
而公獨任纂修字字行行悉經其手大書特書以總其成
非公之才長學優而能善繼善述有如斯乎余於甲辰秋

應試會 令嗣君忠良字敬菴於州城見其質美文清相與
暢叙遂同故交嗣是負笈來漚與余同事筆硯經兩載矣復
於今歲余赴春闈道經興甯重叙敬菴於程江悉述公之生
平實行索序於余余媿無力以揚其美彰其善以載颺逸行
爲鄉邑之人氏勸也特珥筆以爲之序

雍正十三年乙卯歲葭月

吉旦

己酉科解元漚水年家眷教弟郭佑達遠志氏拜撰

逸士謝懿徵先生像讚

其德夔卓其行潔芳巋然道範積厚流光古貌清心俾熾而
昌澹泊甯靜寵辱胥忘五柳先生之匹與七松處士之儔與

人以爲物色乎當世吾竊以爲藹乎有道之容一經點畫而
彌彰

便江廩生曹裕弼工氏拜題

懿徵公孺人唐太君像讚

巖峯嶽七程浦潒七清淑攸萃異德以鍾幽閒貞靜柔嘉式
嫺內則允楷德容工言匪飾珍珥君子弗違昔稱陶柳堪擬
芳徽燿火帷燈勤操饋政溫惠凝禧芝芬玉映

女婿庠生曹昌陞頓首拜題

崇上公一峯氏先生傳

翁崇上字子尊號一峯士崇十一世孫羽六先生次子稽其

派衍皆德邵行芳不求聞達 翁繩祖武故器識才猷雖遠
過羣倫悉斂而不事渾七噩七深沉有大度焉 翁昆玉二
幼失怙乃兄尤喜恬退薄世故恒隱於酒翁特以易直子諒
爲邑所推詐雖時際兵燹擾雜而醇謹足以長人以故不忿
爭而財贏泯智術而儲饒匪直食舊德抑亦擴前業矣然在
他人恒蘊財以自封也而在翁則樹恩以明德一時閭里中
間有羸者婚嫁喪塋恤其不及而周其不足有若高翁之捐
金有若離瑾之憐孤有若麥舟沐榔之概助者其行詎要當
於古人中求之而施與之見於除道成梁創庵立院其淺焉
也倘所稱積而能散富而好禮者是耶非耶尤足多者 翁

不逮事父而能繼志于無形 翁猶逮事母而殫就養於無
方然豈徒以服飾膳獻是謂能養乎養莫重乎志資於事父
以事母而愛同故居其家不忘溫清固也雖有時身泊江湖
而九州之陸產服飭之珍異遠餽續紛是其心常在左右寧
與問寒煖而敬進者有殊乎獨是事母取其愛兼之者父則
敬有取焉敬親莫大乎榮親榮親莫大乎裕後裕後莫要乎
課兒大昕警夫辟雍釋菜始於月吉哲后猶惓惓於民匹夫
而忘情于子乎故翁首以創書舍延通儒爲務其創書舍也
凡所爲稱畚築畧基址仞溝洫揣厚薄塗墍茨者一一以身
先之若士行之運甓彌牟之鳩工馬其延通儒也有精于名

理熟於掌故淹於今酣於古閔中而肆外者一
一以身下之若緇衣之好賢杖杜之崇德焉蓋至
儒有摛藻探奇學富縹緲而不能展之館於
翁者則俾其子負笈舍奠其在郴司

鐸蔡公父設帳郴州郎君追隨函丈經年而不歸甫逾正元
浹辰而詣閣以故蔡公爲賜匾額以風有造而贈吾翁顏之
曰秀拔香山夫非郎君之嗜學堅而翁之尊師隆歟嗟乎

人情于子莫不蘄於用恩而翁獨用義人情用恩莫不蘄於
成其身而翁獨志其成德不然以翁之千里名駒實屬郎
君一人而何遠之勞之如此其若憇也惟善用勞斯善用情
也今郎君雖未得驟列爵於朝乎然昌黎大儒尙三試禮部

而不偶梁灝宿學亦八十皓首而成名郎君讀書獄之巔孰
云多而不揚遇合殆有時耳况乎玉笋班列孫枝林出有若
顯價瑤環之器美秀而文有若顯僚軒昂磊落穎悟不凡行
將振大家聲以揚前人光不卜可知也孰非翁易直子諒之
德所獲報哉抑翁繼述養志之實所應有也郎君健也於余
有友誼故廣其意而爲立一傳以垂不朽于奕世云

大清雍正十三年乙卯歲冬月

吉旦

己酉經元吏部候選年家眷世弟李俊型來範氏薰沐拜撰

段孺人墓誌銘

余嘗讀史觀古賢母懿行如和丸封鮓之類未嘗不掩卷太息以爲匪有令母也而何以有令子且何以衍奕葉瓜瓞之大慶乎及考近世閩閩之家與夫白屋崛起則亦莫不推本聖善思永寒泉茲同學友生謝健也述其太母段氏狀示余欲爲立誌余雖夤鄙旣相從有年烏可以辭謹按太母段氏程鄉里民九成之女其先來自江右爲吾邑望族太母秉性溫柔不苟言笑父早逝而事母極孝兄弟俱亡雖有姊妹四人而母之生事死塋皆任之一已其歸一峯公也淺深相就有無龜求一室之內獨力自持不敢缺內政以貽夫子差是以

一峯公經營於外太母佐治於內以致家業豐盈阡陌累萬
皆得之太母贊襄爲多若夫手口卒瘁晝則烹飪夜事紡績
督其子篝燈攻苦負笈從師斧資罔缺有截髮判席之風故
其子克遵家訓文行兼優爲士林冠焉嗚呼太母之德可謂
盛矣事上極其順撫下極其仁恂也勤儉終身如一日迨壽
瀕絳甲先夫子逝斯時也不無後顧之虞一若賫志以歿者
然今丹桂飄香文孫叠見莫非蔭樾所及知其方來而未有
艾也夫復何憾太母卒於雍正甲辰年二月十九日距其生
康熙丁未年十月十二日享年五十八歲卜塋於彩家冲漁
翁晒網形予以郎君故深悉太母之賢乃謀所以不歿者

而為之銘曰 新鄭淑媛姬宗之裔生秉婺姿夙嫻靜慧為

婦也範為母也制尚配君子輝光日麗德徽積厚延及後嗣

子孫繩七芝庭玉砌鸞綵馳封恩爽七竈佇彼彙虹永垂

奕世

雍正十三年乙卯歲仲秋月 穀旦

任永州府零陵縣教諭李慎蕃受嘉氏拜撰

忠純公字德周先生傳

謝君 諱忠純字德周號錫允孔益其乃尊大樸先生其先祖

也君昆季五人君次居長幼而奇穎厥先祖甚重之其乃堂

許氏為吾先房叔祖之長女君幼偕母至吾族方七齡時叔

祖見而異焉一日攜至蒙學因舉所誦虎豹犀象命之籌卽
應聲曰龜鼉蛟龍其靈敏類如此稍長發憤雞窓常以紹厥
祖志自命每拈一題人未屬草而君已悠然成篇矣惜數奇
不遇屢試見擯遂寄跡蕭曹凡邑中鉅艱毅然以身任遇有
不利民生事君卽犯顏力爭不辟斧鉞厯前任顏繆崔周董
李倪張王諸公嘉其忠直卽邑之紳士罔不稱善其事乃尊
孔益暨乃堂許氏色養備至厯數十餘年不衰待諸昆季恩
義兼全從無一諍語愠色之加眞所謂孝友性成者與君尤
篤于宗族之義凡倡建祠堂督修譜牒皆謝君之力居多然
絕口不言己勞夫以君之德如彼其才又若此使得展其素

讀丘於譜
抱當必大有所建白於世豈終與庸庸者潦倒泥塗哉今值
譜牒告成余與謝君有姻表之誼爰述所見聞而爲之傳至
於表而彰之姑以俟後之君子

雍正十二年乙卯歲季秋月上浣

穀旦

庠生許大顯岐周氏拜撰

忠政公孺人黃太君貞節傳

謝母黃孺人幼適吾鄉謝公爾拔者生二子幼子尙在提抱
長子首之年亦方五歲其夫疾篤謂母曰吾疾膏盲所不
能瞑目於地下者汝與二子也母含泪識之不能忘越日

而夫見背母哀毀骨立幾不有生嗣是蓬頭垢面徹其形

質使鄉人見輒厭棄之不儼然割鼻截耳之志與以故歷三十餘年子立節全而無所憾非其矢志之堅斷不及此余因不忘母行之嘉聊掇數語載之家乘以爲異日表揚之藉可

眷嫻弟廣文邑人唐光都君菴氏謹狀

忠貴公孺人段太君貞節傳

謝節婦姓段氏本邑耆民段文贊之女爲謝文清之妻性端肅嫻內則歸謝氏直執婦道得舅姑歡心越八年夫死生子甫三歲父黨憐其少欲令改適然見其悲哀幾不欲生終不敢言也夫在時頗有遺貲已而舅姑年老養殯之具心力兼

悴漸卽匱乏而節撻愈厲紡績彌勤尤善哭其夫哭必極哀
蓋數十年間每遇生辰忌辰其哭常如初喪之日見者咸爲
酸鼻初生兒幼多病濱於危者屢矣夫婦每仰天呼云吾所
以不獲從夫地下者徒以此子故也天乎獨不能爲吾夫延
此一縷乎兒不食節婦亦不食兒食如故節婦始復初旣得
無恙比長教以禮讓令就外傳親仁人正士凡立心行己族
黨梓里之間諭之篤厚不許習爲浮薄之行尤以奉公守法
早輸國課爲諄諄見里中有逋賦被追呼者卽呼其子庭戒
之謂一飲一食非

聖天子恩不至此奈何不急公早完自貽伊感乎聞者竦然且

有爲之感化急於輸納者邇年來奉

旨命天下各府州縣舉報節孝有欲以節婦上聞者節婦聞

之流涕力辭云未亡人苟全至今幸得見兒以長以婚生兒
育女不墜先緒足矣奈何以亡夫故博名譽覬覦

皇恩乎卒不許節婦時已年五十有五矣距夫亡時三十有六
年而悲念厥夫之心終未嘗一日忘也其貞誠有如此者贊
曰余爲謝氏壻有年習聞節婦行又與其子顯哲遊知節婦
喪夫時年甫十九耳今已皤然一婆矣一有觸淒然涕下其
貞節固不待言而訓子以正早輸國課卻表揚此二事雖偉
丈夫猶或難之不謂乃得之節婦是豈尋常巾幗者流哉余

每過其廬未嘗不為之歔歔太息云

雍正乙卯冬十一月長至

乙卯科中式舉人姑丈許顯森拜撰

日處士謝公良佳傳

乙卯之秋九月既望余父子戰罷棘闈兀坐山齋適有舊友

皇謝子洪士偕姪漢臣來謁叙科場事畢遂揖而請曰子族修

家譜將竣予曾祖諱良佳實有承先啟後之功欲為之傳願

請一言以為譜牒光余應之曰令祖在數世之上前顧茫茫

自即欲闡揚殊難置喙而謝子則曰有遺書與印照在余爰是

接而閱之但見其書字畫端楷文情俊逸宰官篇七篇之繁

印邑賢處處爲之贊揚其所以表揚行實者甚悉 公元配

王氏生本端復配陳氏生本瑞搬居於城北關大樹下掌理

縣事邑宰服其能贈金一百餘兩因而大振家聲置糧一十

余石曾頂豐溪一甲遞年復頂三都二七甲里長獨力撐持

綱維門戶大有中流砥柱之能可當一代英雄之選而且慷

慨篤義好善布施給還義田四十担與妹夫李孫緘獨砌半

都松木橋鞏橋一座又施本境太平山金身觀音佛一尊他

如郴侯山施叩幽冥鐘三年在城昭德觀施造庵院此皆陰

隲通於幽明功德普於南北者也以故其源旣深其流自遠

閱今數代而肖子賢孫芝蘭挺秀何莫非先生之積厚而光

昌也第恨余生也晚而先生之高風不獲見之躬承祇於遺訓中想像其爲人載筆而書以誌曠世相感之意云爾

大清雍正十三年乙卯歲季冬月上浣

之吉

後學嫻晚生曹其昌頓首拜撰

崇蘊公字玉山岳翁大人序

嘗思得天地之正氣而生者有三其立心制行必異於衆太
上有學有守砥柱中流化民成俗建不世之奇猷而功垂竹
帛名勒鼎彝其次能人之所不能言人之所難言創一邑之
鉅觀定百年之規畫爲邑侯所仰企下卽雖非文采風流足
以範俗物躬然能入孝出弟好義而不嗜利視端履祥正直

而無偏僻亦不失爲鄉里謹厚之人甯邑得姓受氏者實繁
而程鄉之族惟謝氏爲最其先自申伯受封於謝卽以爲姓
而顯於晉之東山嗣後歷唐及宋皆祖東山故其名列史冊
代有聞人不可殫述而謝氏之族江右繁衍今經十數世而
我 岳丈謝子崇蘊生於其間賦性忠厚秉質端莊圭璧德
隅孝友家政始以藝呈能恤貧拯困重義輕財鄉人多師之
洎而厭逐末之勞遠囂塵而退處林臯日以課子訓孫爲念
有不率者悉以大義是裁嚴加督責而亦靡不凜遵循循有
禮正直之聲溢於閭市嗣是合族有復建造宗祠之舉一時
叔伯兄弟見其立心制行眞誠坦白義而不利正而無偏咸

奉之爲首以主其役而岳丈見衆推戴以爲光前裕後無若此者亦慨然以爲已任而不辭於是會計出納不畏人言不避嫌忌惟公惟正雖一粒一文無纖悉支吾不數年而置田畝凡鳩工庀材之費有贏餘而無缺陷而奩命著美堂室生輝先靈以妥門戶有光雖家族之末務以視不世之奇猷一邑之鉅觀亦無有間焉余習見其坐卧不遑靡有寧日不敢沒其勞瘁嘆其存心孝友矢公矢慎斯亦族之孝子慈孫矣因不揣僉鄙爲之畧錄其實行以紀之亦以見得天地之正氣者有一其人不可歿云

雍正十三年乙卯歲季秋月

穀旦

愚女婿庠生曹世學頓首拜撰

爲

忠朗公字公先生繪圖榮誕祝贊

余於玄秋調守滬東因公寓甯得接封翁屆茲菊月氣爽時
雍南臺令喬辰嶺靈鍾筵開東閣籌晉海峯嶙峋蒼勁矯若
喬松耆年碩德閭里是宗娛情山水到處扶筇琳琅造膝玉
樹臨風鳳毛繼起譽望崇隆

大清雍正十三年乙卯歲菊月上浣

穀旦

晉安林嵩基題

爲

忠朗公孺人李太君榮誕繪圖祝贊

淑慎其儀端莊其貌年踰古稀賢高德耀不事扶鳩眉龐齒
皓玉樹盈階鳳毛聲噪待老福之榮膺被鴻庥而下誥

雍正十三年乙卯歲菊月上浣

穀旦

江左惠元輅題

吏員顯榜公字元魁先生序

郴陽爲六城之宗蘇嶺橘泉仙踪歷歷余自束髮受書得讀
昌黎公送廖道士序蜿蜒磅礴之狀儼若披圖心旌已掛來

鶴樓頭矣不謂年近桑隅竟獲司教茲土若於斯有夙緣者
一瓊清冷彈碁賦詩之餘嘗緬然詩曰昌黎云中州清淑之
氣非金砂竹箭所獨當夫豈誣耶爰於師徒教授外陰識奇
傑於酬酢間而得謝子元魁焉元魁資城偉人也丰標峻整
骨格魁梧談論間綽有劔倚蒼冥弓掛扶桑之概以舉業未
遂留意申韓錢谷兵農悉綜其要作椽州邸以小試其長技
英風偉畧時露一斑桂東林明府嵩基題其額曰經濟宏才
蓋紀實也今日身列吏員五載考滿矣車北上而膺簪組指
願聞車耳謝子勉乎哉蕭以刀筆屬縣趙以吏道起家彼豈
舉業中人哉卒之名列凌烟勲垂竹帛斯何故歟雖然至性

者本也功名者末也蘇嶺橘泉間仙孝之遺踪在焉謝子雙
親垂白孝養無違捧檄之謀固不若班衣之樂之為無盡矣
詎復有升斗在其意中哉予自喜郴陽一行能識偉人於士
林之外得有詞以謝昌黎也因漫書以贈謝子

皆

大清雍正十三年乙卯冬月

吉旦

鄉進士直隸郴州學正石陽李士藩拜撰

顯綸公字能升先生序

顯公丰標磊落心計過人力拓前徽遂臻豐裕昆季著友恭
之誼交遊存管鮑之風亦程北之依上者予素不欲以筆墨

諛人然鄉評既協則據事直書似亦未爲溢美也

大清雍正十三年乙卯歲桂月上浣

穀旦

清溪經魁曹亨時敏齋氏識

庠生大賓公字燕又先生傳

文學謝先生余先君之執友也崇禎辛巳年同受知於念臺
高學使交日深往來日密余垂髫得侍先生左右亦日切迨
出幼時與先生三郎君同事筆硯年同庚學同業連風雨數
晨夕者有年而先生之督課讀者日篤且摯故其知先生也
爲最悉先生諱大賓字燕又爲本邑庠生幼負大志沉酣書
史期以天下憂樂爲己任精力所至雖日事舉業而意甚宏

遠未易窺測具所撰其根極理奧非浮慕虛驚者可比而乃
阨於時竒於數竟以措大終其身然而素性樸質遇文人學
士則親之愛之和容可掬無高岸以上人有不肖未嘗假顏
色苟笑言其嚴氣正性有如此者是以出有爲而入有守剛
不吐而柔不如人固不能以欺己而已亦不至以欺人也嗚
呼有先生而毀譽不事喜怒不形人皆仰其高慕其懿行
無敢作好作惡俾民憂泄焉自先生歿而吾鄉無復有人昭
昭示人以正者矣自先生歿而吾鄉無復有人明明告人以
大過者矣自先生歿而吾鄉無復有人晰遺經及微妙指大道
若平常不擇人而訓誨而亶亶不倦者矣蓋其衷直率其貌

樂易其衣冠禮儀不違時沽譽悚人聽聞道在故也斯誠古
所稱鄉先生歿而祀於社者殆其流亞與今先生雖往而先
大生之學與志何足藉余之言以爲重特述余之所知於先生
者如此故樂得而傳之以示後人嗚呼若先生者可以風矣

雍正十三年乙卯歲仲秋月上浣日

穀旦

香晚庠生曹 傑拜贈

庠生大猷公字于英先生贊詞有引

先生諱大猷字子英邑庠生也生而穎悟丰姿秀美與伯氏
相師友誦習帖括默識心融記問嘗先伯氏其於經史子集

無不淹貫且謙冲自抑見人強記悟惺卽稱訝不已由其嗜
學不倦無容輕褻視人也余嘗敬之畏之奉爲楷模仰爲山
斗因櫟括其行而紀其實焉乃爲之詞曰

秉聰敏之性具卓犖之材青年遊泮皎如風前玉樹壯志凌
雲思擬翰苑清班筆陣登壇才堪繡虎詞源倒峽氣可吞牛
一目十行空有凌雲健翮之思倚馬萬言惜無伯樂奇逢之
遇欲展布而無時竟終老於學究其殆奇於數者與

大清雍正十三年乙卯仲夏月

穀旦

年眷晚曹

傑拜贈

非遲謝君文學傳

文學謝君者吾鄉同里人也君諱崇懋字非遲號願原其先
發自會稽其來既遠其流益繁明初則由永甯而來興寧相
沿及今一十二世父士友公有隱德多善行生君而穎悟
異人一目而數行下延師必善擇尤者嘗從事於余詮理必
根據實底有疑義必盡晰乃止恒謄寫辨疑錄來余家必身
帶之以諮詢相與質証終日無倦色余竊心折其勤學好問
有如此者年未三十而游泮甫三十而登天胡天縱其才而
阨其數縱其才爲金馬玉堂之才又阨其數于修文作賦之
數是阨其才者靳其才阨其數者永其數也更所羨者孝以

讀日放論
養親則懷橘承歡友于兄弟則分梨推愛情誼敦篤則如對
古人德量溫恭則不媿長者當年狡獪少年紛然輕薄君獨
真率無競喜愠兩忘若夫學則青黎老人才則黃絹幼婦以
爲春宮簪筆名山著書他日事耳夫豈曳白之子半盜衣冠
沒字之碑亦醜面目者所能道其隻字襲其牙藩哉况君風
流秀出本有烏衣子弟之姿顧盼自雄尤爲湖海元龍之氣
九萬之程正需千里之足而長驅也何乃抑鬱不伸竟爲造
物所妬忌耶今歲丁橘如梓其家乘余以措大風聲平日諗
知巔末竊附巴詞以紀傳或亦爲君少申意於斯耳

大清雍正十二年乙卯仲夏月

吉旦

眷侍生庠生曹傑謹題

謝介士親臺小傳

謝君諱忠仰字介士號程溪子祥老尊翁之長子其爲人也敦信義重然諾雖身處纏市畧無纖毫俗氣我邑仁人莫不羨其公平且天性孝友於雍正元年母病篤誓持長齋以救母一念之誠終身不易竟躋其母於耄耄又能延師課弟委曲裁成罔不備具而弟之博古學工文詞掇採芹香只指顧間耳此非介翁之所致曷克臻此其懿行之卓卓實有不容掩者余今值譜牒告成叨居直月例任鄉評故援筆而樂誌之

大清雍正十三年乙卯歲季冬月上浣

穀旦

程源直月廩生曹亨時敏齋氏謹識

貴陞字天成公傳

夫人以詩書道德之氣發爲文章事業光之史冊傳之奕禩
固爲最著然間有一二隱君子其志潔其行芳若箕山潁水
亦卓七乎可紀矣吾鄉居甯邑之北山川鍾秀而澗谷泉石
徃徃有高人逸叟斂跡其間如 翁樸誠其負性也坦白其
存心也不屈己以干譽不貶節以徇人甯方毋圓甯直無曲
乃托跡於高山流水之際寄懷於蒼松翠竹之間有隱君子
風臣詩曰考槃在阿碩人之藹殆謂是歟且家政肅然義方

蔚爲人文而庭前玉樹森々芝芽茁々行將有發越彌宏之
象焉予覽 貴族華譜其間磊磊落々美不勝收然以 翁
之爲人 翁之制行品題而出之知亦前後相輝映焉矣是
爲傳

年家弟庠生許遙通敬題

美玉公傳

公諱貴良字美玉 富禎公長子禎公生子有五皆傑然特
出 公尤拔萃焉體貌魁竒賦性剛直不屑與流俗伍值
吳兵之變鄉人震動爭思竄而避險 公獨坦然無變志於
是屬其鄉人團練調護皆得寧處鄉不罹害 國公穆聞其

材能技勇優加異之嗣是熙世永定 公見祖宅魯塘昆季
子孫之衆各饜裂基於康熙辛未年置買周源山洞田而卜
築焉 公與元配段氏辛勤締業開衍後裔育子二女一石
蓮適貢生李玉璣晚男素先嗣君天聖日升皆充閭之器然
不獨二君挺峙又且育諸蘭孫炳炳烺烺超然森立樸者卽
得先民之矩範秀者尤念寶樹之光昭皆 公之福澤遺蔭
焉昔云積德昌後又云源潔流清其代公之謂歟余忝媿晚
稔知 公之爲人暨 公之品行嗣孫永言學識優裕拾芹
遊泮指日定之且述貴族因修家乘索傳於余余是以忘其
謏陋爲之筆援以記其畧云

大清雍正十三年乙卯孟秋月上浣

穀旦

嫺晚庠生李圭君實氏拜撰

府判謝哲菴傳

謝公諱祖達字哲菴號明川家於程之水東道嶺面其南柳
山峙其左襟帶河潭光瑩若鏡公殆鍾山水之秀者歟少讀
書不屑匕於章句長而勵志功名謂舉業不足爲永歷二年
間以吏道宣力桂王府中凡所借籌恒稱上旨學士瞿式耜
嚴起恒多公才能屢欲重任公以時勢難爲懼濯赤族之災
竟辭重爵而甘小就乃出爲廉州府判既履任力從艱難混
濁中澄清吏治雖無保境安民之責而力所能爲不辭况瘁

公殆得靖共之義者歟逮後永明播遷以金給事之精勤而
薙髮矣以瞿閣部張宮詹之忠貞而死國矣衣冠文物中誰
是全身而免禍者 公獨能掛冠歸里詩酒放懷爲勝國之
遺民稱新朝之逸老偏於滄桑變革之餘獲含飴弄孫之樂
公殆知明哲之幾者歟公之大弟祖來補貢生次弟祖求食
廩餼嘗希官爵以榮身公怒且教之曰宦途危徑也家食樂
境也子奈何舍安而就危舍樂而擔憂哉二弟服其教以淪
隱終其所生二子悉令改業曰亂離之世讀書適足亡身毋
自苦也凡遺之子孫者只清白無訛忠厚永世兩端 公殆
全畫義方之訓者歟今厥孫立鄒字元芳習詩書而知禮義

念祖澤之將溷無以信今而傳後也爰詳述其懿行於予予
遂樂而爲之傳

時

大清雍正十三年乙卯冬月

吉旦

程源後學直月廩生曹亨時敏齋氏書

贈謝公謹崑鵬字文鳳媻先生序

余嘗謂紳士中有學識明敏才猷泛應而利濟爲懷者殊難
數數覩也若 翁其庶幾乎 翁諱崑鵬字文鳳上壽耆民

崇緒之孫職員謝塋之長嗣也鍾山川清淑之氣生而體貌

岐嶷器宇不凡幼奮螢窗同學輩遜其敏捷與明經弟諱顯

邦者一時雅擅二難擬以郊祁聯翩泊顯邦掇芹香 翁愧

且奮曰吾弟祖鞭先着豈可不自樹而安於庸碌耶由是往

昔不羈之性洗剔殆盡窮經考藝有年而已身列黌序矣棘

闈鑿戰年老而志不懈衣冠舉止夔出人表有疎曠之大度

有競慎之小心雖席豐履厚而居安慮危故能守也抑且克

創生平不屈意以徇人亦無崖岸以絕物時而莊論成經時而謔語解頤 翁之瀟灑出塵也如此猶憶歲甲辰夏 翁

地洪水告災遭漂流者無數 翁呈上憲委員行賑澤周惠

徧羈伯施公暨 邑侯勵公以金資 翁固却不受曰吾特

不忍村民之死無以殮生無所棲非欲自私自利爲也羈伯

邑侯高其義鄉人至今頌德焉尤念祖靈之無以妥也構宗

祠而 翁爲首董重金弗惜念族譜之曠續也以尊人瑩君

主修於前 翁繼父志於後而率其弟顯邦肩主纂之任昔

班氏父子繼成漢書 翁之此舉洵所謂美無弗彰善無弗

傳者乎吾於是有感矣 翁之學識明敏如是才猷泛應如

是設令乘時得志當必大有所利濟焉何僅以一衿了事也
然其福祉則未艾矣 翁由少至老履險如獲坦途遇危
而皆安吉年逾週甲老而益健舉丈夫子五悉俊偉奇特文
孫頭角崢嶸凡此諸福畢集又 翁之受於天者厚非關
人力也歟余以至戚得稔悉其巔末因類紀之 以爲家乘光
焉

大清嘉慶二年歲次戊午仲春月上浣

丁酉舉人

欽賜國子監典簿嫺侍教弟王世締若蘭氏拜贈

贈謝翁程萬先生序

先生諱顯邦字程萬別號觀瀾甯邑明經士也未及把臂言
歡而文章行誼以耳聞而心儀之矣余奉檄作宰於茲甫下
車於邑之山川人物未遑深知得攝甯學篆者王君世潤傾
蓋如故既舉邑之利弊爲余告且握手而言曰某山某水邑
之名勝也某紳某士邑之賢達也已而擊節嘆賞謂吾所心
寫而仰止者更有其人在焉詢其名則以先生告余乃求其
詳王君曰此高士也抑博雅君子也敦孝友重名節弱冠補
弟子員科歲試輒冠儕偶竭數十年沉酣淹貫之力以從事
於制藝秦漢以上也書唐宋以來之文暨有明諸大家無不

丹之黃之暮年猶懷伯玉之操維持名教力砥狂瀾當是時
言者齒頰生香若猶未罄殫述也者余用是渴想維殷急欲
接其道範親其光儀而先生宰門絕迹不得一慰晨夕之思
爲憾歲丁巳冬謝氏續修族譜 先生肩主纂之任持其所
訂譜藁來謁於余索序因不禁驚喜交集曰先生之爲人余
素所心儀願見者爲宰者有得人慶今先生非公不至于羽
之遺風尙在人間也溫文爾雅視履考祥展閱所成譜帙其
編次考核極完密謹嚴居然良史材也有是哉王君誠善於
知人哉所聞適符所見而非諛詞也文章行誼俱於是著矣
屢躋棘闈卒老明經人咸爲先生惜何天不欲大展其才徒

使世致嘆斯人之不出也進廉其家世 王父崇緒翁耆民
也享上壽於鄉里急難樂爲周卹而 尊人職員諱瑩尤慷
慨好義愛士重賢明德之後信有達人矣今戊午仲春之元
日爲先生六旬晉一令誕余欲極爲表揚諭邑紳士製錦造
廬以侑霞觴先生喜恬退不以繁文瀆再三固辭顧德旣隆
矣福未可量由此而耄耆而期頤膺簪組而坐舉比以提斲
聾聵壽身而壽世其理固有必然者矣夫表微闡幽有司之
責爲謹錄其實蹟以俟採風者之節取且以彰王君之能知
人也是爲序

嘉慶三年歲次戊午仲春月上浣日

勅授文林郎知直隸州郴州興寧縣事年家眷教弟桂林梁純

人
謀拜撰

顯邦妣許孺人墓誌銘

孺人閨字壽娘廩生許冠科女明經謝顯邦之嫡配也余與
謝君顯邦甫成童卽握手訂交文章性情外雖家居細故無
不可告故余之知孺人也甚詳孺人年十六而歸謝君篝
燈佐讀賓禮之餘不忘規勸奉舅姑惟謹中饋井日事一身
是任謝君治舉子業兀兀窮年無內顧憂者孺人佐助之力
也謝君嘗爲余言古以琴瑟靜好比夫婦設婦而徒事柔順
幾同琴瑟之專一矣余欽其讀書別有見地謝君性疏曠錢

穀出入如不經意孺人以會計佐之謝君性嗜酒飲則濡首
大醉孺人以節省規之謝君喜譁笑多剛愎孺人勉之以嚴
正勸之以優容健順相成是豈琴瑟之專一乎先是年三十
未占熊夢懼以不孝累其夫亟勸置二已而生子 孺人欣
然喜曰吾今得慰夫心矣二有子卽我子也而吾心亦慰矣
提抱愛如己出今文孫又疊見焉彼詩人美太姒不妬忌而
子孫衆多孺人殆嗣其音歟乾隆甲辰夏洪水暴溢孺人不
得正命終情亦慘矣嗟乎人生如隙駒如泡影古今來婉孌
閨秀曲調未終而琴絃忽斷者何可勝道惟 孺人艱於嗣
半生憂鬱死而徒賫其憾爲可悲耳生於乾隆庚申九月二

十二日歿於甲辰五月二十二日享年四十有五葬仙鵝點
水形癸山丁向挨祖妣墓側余之爲孺人道其詳也闡幽也
以慰亡魂於地下也爰爲之銘曰系出名門曰歸望族夙閑
婦範妯娌雍穆小星三五下逮樛木曾脫簪以示警亦勤績
而伴讀鄉謚貞慈採風攸錄

候貢眷小弟黎詩志拜撰

謝母袁孺人六旬晉一壽序

昔湯宣城有言婦人稱壽非古也然詩饔眉壽書首五福六
經言壽者不一而足豈以屬在閨閣獨不可以壽稱乎是知
宣城之言稱壽非古者非也顧壽非難壽而潤之以福則難

抑福非難福而維之以德則尤難求其壽以永之福以潤之
德以維之惟謝母 袁孺人庶幾其近之 孺人具蘭惠質
擅柳絮才其描鸞刺鳳巧自天成者姑不具論迨歸謝翁玉
書上奉尊嫜下和妯娌款賓客主中饋解珮以相夫和丸而
教子其大端也而且富而不矜豐而益儉謹禮度肅閨門柏
舟矢志霜雪爲心尤令人仰芳徽懿節於不置茲值二月二
十二日之吉爲 孺人六旬晉一良辰舞斑衣前有令子持
錦幌後有賢孫樂奏鶴飛筵陳雪藕庭流太和之韻堂開畫
錦之榮倘所謂壽以永之福以潤之德以維之者非耶諸君
子浼余一言以爲壽故泚筆而序之以當西池之爵云

嘉慶二年歲次戊午季春上浣

穀旦

邑明經段紹模拜撰

顯輝孺人方太君節序

婦人之所重者節而才次之然以未亡之身撫而孤幼治內兼外措置咸宜則又非才無以仔厥任故夫以節著者無不兼有其才也 太孺人爲國學生顯輝之淑配也幼賦于歸其執婦道得舅姑歡心甘樸淡經營家政使夫君得以遠貿於漢一切瑣屑之需戚賓往來之擾了無內顧憂而家業日就饒裕者 太孺人佐助之力居多已而夫君棄世長嗣年甫總角次二尚在提抱此時內無所倚外無所援而 太孺

人節同堅柏志挾嚴霜日撫吾孤無死我夫也比長送入鄉
塾中務令明禮義尤以克勤克儉急輸公帑爲告誡居然和
丸畫荻之遺風焉一絲一粒不敢暴殄謀婚娶手拮据而口
卒瘞寒風侵枕孤月窺窗歷年久而令終有俶 太孺人可
對夫君於黃壤而無愧容矣夫矢志堅貞而初終不貳太孺
人之節也而調度經營不墜先緒大有造於謝氏者又非才
無以佐之甚矣 太孺人之節之才不誠爲巾幗中之所難
能也哉效續修譜牒郎君國鈞措金主修急公好義亦由
太孺人之多賢也余與郎君有潘楊好得稔悉其懿行揮毫
以載之家乘爲異日表揚之藉云

大清嘉慶二年歲次戊午季春月 邑廩生嫻晚袁振宗拜撰

耆賓忠格公字廷書七旬加一壽帳

聞之古者建學明倫習鄉尚齒所以尊高年也而訓俗型方之道寓焉要惟朝廷隆食饗之文於是閭閻識尊親之義此介壽稱觴司牧者用是爲風俗勸今春予膺簡命蒞任甯邑見夫山明水媚俗美風醇知必有鶴髮龐眉如苕溪鷓冠者隱逸其間以爲一邑範故甫下車自講射讀法外於引年之典三致意焉是年冬值 謝翁廷書古稀晉一仁壽邑中衿士彙其梗概丐予綴詞以爲觴予思翁陳留世胄也巷衍烏衣家傳玉樹大父登雲號稱素封以德齒列鄉耆身膺重典

叔周先青年遊泮名噪宮牆翁世德相承幼稱穎異緣尊人
早逝與二兄嘯傲林泉相爲把臂兼以蘊懷清義標舉剛方
匪惟建祠妥先修譜收族共勲盛典卽橋樑道路好爲募修
重然諾敦信行凡遇鼠牙雀角竭力排解不計恩怨閭黨服
其公直丙子年舉爲鄉社司困倉三載出入貯放無侵欺亦
無逋負年滿交遷如數清給前任羅嘉其能錫以古道照人
匾額按實循名非溢美也夫朝有黃髮將以備顧問野有皓
叟亦以資儀型寧邑得耆碩如翁以之鎮浮式靡作範一
邑堪垂不朽况乎福緣德召驥子垂聲次郎顯翰偕其令嗣
貴華濟美成均恢廓田廬光昭先緒固已鑠人耳目次三四

郎亦皆卓立人表增輝事業又况堂有點額之翁壺有黃
髮之母砌發芝蘭如令孫貴芳貴葑等讀書有聲功名將在
指顧 翁第偕其尊正看桂蕊傳芳龍文啟瑞含飴爲樂古
所稱絳縣老洛社英 翁洵無忝於斯矣方今 聖天子憲
老乞言加意耆碩執醬執醕堂列羞者之觴杖國杖朝家拜
粟帛之賜卽窮鄉僻壤齒危髮禿之倫均蒙 恩綍予爲茲
城守土方欲人興孝弟戶樂敦龐幸有益壽延年者足以型
方訓俗將歌杜甫之句識老人之有星誦魯僖之章知眉壽
之未艾盼仙音於緱嶺乞巨棗於華筵靈椿一株萱花獨茂
庶不致落寞於山巔水湄間也書此以復矜士之請以當春

酒之酌云爾謹序

特簡文林郎知湖南直隸郴州興寧縣正堂加三級又隨帶
加一級紀錄五次鄧家燕撰

太封翁諱顯翰字國林太學生暨令眷袁孺人六旬晉一

雙壽帳文

星躔蓼水華堂開並蒂奇葩瑞藹郴山壽域奪三台異彩長
庚同寶婺並耀華峯共岱水交輝聿協福履之歌爰申難老
之頌恭惟國老先生陳留世胄烏衣象賢不負熙時期觀光
於上國恪遵庭訓暫寄跡於園橋美奐美侖潤身而兼潤屋
苟完苟美善世而并善家明發有懷久煥斑彩於膝下友于

無間更翻花萼於樓前承先旣著鴻模教子尤推令範郎君
珠員玉閨已濟美於成均文孫桂馥蘭馨應掇芹於泮水姓
字高騰雍璧行誼雅重鄉邦且仗義主修光裕之謀匪淺敦
宗合譜倡率之功居多時酌酒於菊叢淵明灑落看間雲於
溪畔仲蔚昂藏固怡養之足娛抑內助之多淑爰暨德配袁
孺人仁風淑媛咏雪名媛潔蘋蘩養舅姑悉稟大家之程則
睦妯娌分衣食遍周小戶之饑寒扶東國之閭閻鹿車共挽
贊南州之冠冕鴻案相將主中饋以延賓和熊丸而示訓儉
能惜福富且益勤以此而配梁卿齊眉堪羨由斯以思萊婦
偕老何疑茲值花甲雙辰百二共誕冰桃偕雪藕共燦火棗

與交梨俱呈玉案列霞觴儼若蓬壺之侶錦堂添瑞氣居然
闔苑之儔潔技類雕蟲才匪繡虎星臨南極願言海屋添籌
酒晏西池竊效華封稱祝聊陳俚叙用禱遐年

嘉慶二年歲次戊午季春月上浣穀旦 丙午經魁候銓知縣

年家眷教弟段智潔頓首拜撰

贈主修太學生顯翰字國林先生夫婦像贊並序

先生甯北佳士也抱志殊尤不作平庸伎倆余聞而思企久
矣旣而偕其長郎貴華榮升成均時到寒暑相謁因以得接
芝眉而次三四郎讀書有聲余俱以大器目之一日持其夫

謝曰方諸
婦寫真索言於余展而閱之見其笑容可掬而英剛之氣已
自畢露毫端矣贊曰我瞻其容容貌甚古我儀其情情致栩栩
上鐵石爲神松竹爲侶席厚履豐適得其所問何以熙上欲
笑曰今偕子入成均之中還瞻後嗣入芹藻之府

謝母袁孺人像贊

淑慎者其性端壯者其容佐夫名登仕籍教子身入芹宮家
有珍而不御髮可剪以留朋茲搦管而羨箕疇之五福還拭
日以俟 盛代之榮封

湖南直隸郴州興寧儒學正堂王先昇題

太學生諱貴華字超宗先生序

先生諱貴華字超宗別號闌之甯北佳士也以烏衣之俊秀
負寶樹之馨名英敏特達少年而有老成之見余之不能已
於言者重之也亦期之也其重之者奈何家多饒裕代有衣
冠乃尊精于持籌榮膺太學先生佐理家政恢廓田廬而
又繼美璧雍振弓裘而光先緒俾舊日家風煥然有以增新
此其克家而亢宗也故曰重之也何言乎期之也先生椿
萱並茂棣萼交輝隆色養而篤友于不待言矣卽鼓琴瑟而
賡靜好賦嚶鳴而和神聽亦豈有不和不信之慮特識以積
而日廣性以養而日和惟是公以御物平以制事不厚責於

諱
戶
於
諱
人
不
輕
恕
於
己
以
洪
錫
福
之
本
是
則
事
業
之
所
昭
卽
盛
德
之
所
寓
故
曰
亦
期
之
也
雖
然
重
之
者
已
然
之
實
行
期

嘉慶三年歲次戊午仲季春月

穀旦

明經段紹模拜撰

登仕郎諱顯庠字周學先生王修序

聖天子隆士而外加惠於逸叟非徒引其高年謂有齒而兼
有德足以範末俗而挽頽風耳謝翁伊何人哉重然諾喜
廉退不求聞達而善於居室席先人之業勤而克儉守而能

創里黨服其公直舉以鄉約訓俗型方薰其德而善良者若
而人邇年齒加長德益懋復渥皇仁賜以耆賢榮以冠帶惟
昔有此盛曲數十年而始行 翁積數十年而始膺是選典
以人重人與數符當非偶然也膝下丹桂叢開蘭枝疊茁四
世一堂而點額之翁寄傲于清風明月頤養於雞黍斗酒樂
而忘老無俟他求矣夫野有耆舊齒德並隆採風者所必及
焉今謝氏重輯家譜 翁又激昂好義主修以觀厥成而可
不載之篇簡以爲族人氏所感發而興起者哉爰錄之以
爲序

大清嘉慶三年歲次戊午季春月中浣

穀旦

邑貢生姻眷晚李

錯拜撰

逸士顯遠公字芳臣先生傳

人無顯晦惟其可傳苟非生平之行誼足以訓俗型方其能於沒世後猶動人以興思耶則甚矣直道在人懿德攸好如翁之行誼庶幾足以挽頽風乎翁少而孤昆季有五翁爲主器能自樹立率其羣季戮力同心而家業亦漸豐矣事孀慈色養無違待昆季灼艾分痛生平和平樂易之概淳厚渾樸之容里黨內外咸津津樂道之洎羣弟有室分箸議產無厚薄焉翁之友愛不爲人之所難焉者哉盛朝敷治先

明孝弟聖學垂教必推盡倫。翁至性之敦篤如是以視世
之輕財任俠而於根本大節之地反薄焉者其有愧於翁
也多矣獨怪同時之人嘉翁之英敏有爲能輝煌事業而
於孝友之至性反畧焉者猶未知翁之深也年逾古稀膝
下桂馥蘭馨詩書農桑世承厥業此其所培植者厚而貽謀
甚遠矣夫人無論顯晦閭巷之夫而能強仁慕義足以訓俗
型方則亦有不可沒者於是乎爲之傳

嘉慶二年歲次戊午季春月上浣穀旦

邑明經唐安富題贈

太學生諱遇字時可公嫻先生傳

謝公諱遇字時可別號永豐少業儒積學能文欲以此馳驅
皇路繼從昆仲學范蠡遊遂以壁雝老非其志也敦孝友色
養怡怡雅有古人風性嚴毅閨門整肅義方是訓與人是是
非非不苟阿所好然有俠氣好義舉損貲樂施意豁如也喜
賓客杯酒欵洽必盡其情當其詼諧所至談言微中又未嘗
不令人解頤也嗟呼人情趨名利而公手致豐裕身都顯
榮却無一毫矜驕氣余惟涉世之道無過嚴與和然或失而
諛偏乃弊耳公獨調劑其情嚴和兼至而不詭於正豈其
性則然哉抑亦得力於詩書者深矣特以享年不永壽竟四

十八而終然其流澤則孔長矣夫人之壽其身孰與壽其子
若孫有子五人皆克自樹立文孫輩出將來世世萬子孫無
盡也余忝戚誼知公深故不敢爲諛詞而櫟括其實跡以爲
之傳

嘉慶三年歲次戊午季春月上浣

穀旦

己酉科選進士候銓儒學正堂曹宗之睿智甫拜撰

處士奪貴公字錦來先生序

翁爲成均元亮第三子也性好樸淡廉隅自守不遂逐於勢
利翁之尊人鍾愛之少時與兩兄共奮芸窗慨然有大志

嘗謂尊人曰兒觀古今英賢傑士多以迤蹇顯不以坦夷著
何也尊人曰易有之危者安其位者也保其存者也亂者思
其治者也是故君子安不忘危存不亡忘治不忘亂則身榮
而國家可保也苟怙侈寵多則無以顯奇節汝幸享世業吾
固願汝畢生坦夷而亦願汝之不忘迤蹇也當是時 翁年
未冠家好素封白鹿鹿斑衣綵舞棣萼交輝里人咸稱一
時盛事乃吉也而悔吝隨之自令尊人之辭塵也 翁遂不
復坦夷矣豈造物故假迤蹇以玉 翁於成耶胡爲內患外
侮相逼而來旣罹喪明之慘雀角抑又頻興吁直道之不容
也溫飽之多忌也此固意外之禍切近之災也坦夷變而爲

迤蹇迤蹇難望夫坦夷矣雖然士君子處世不必以坦夷爲
幸也又豈以迤蹇爲患哉孟子有云人之有德慧術知者恒
存乎疢疾史遷曰詩三百篇大抵皆古人失意之所爲作也
物非盤根鑿節不足以名利器非迤蹇何以有坦夷也今
翁災過福齊年臻週甲矍鑠強健業廣而腴丈夫子二長則
老成諳練次能勵志詩書羽毛豐滿高飛可待膝下孫枝疊
茁四世一堂爲盛世之逸叟優遊於光天化日之中始而坦
夷中而迤蹇終復坦夷卽尊人所云危可得安亡可保存亂
可致治此數語者推而及之可爲有家國天下者警而教家
最子以銘座右猶足發人猛省矣嗣君時才從余遊因稔悉

詩曰加詩
其巔末揮毫以載之家乘是爲序

大清嘉慶二年歲次戊午仲春月上浣

穀旦

呂舉人現任湖南長沙府攸縣儒學正堂金逢源拜撰

職員權貴公字蒂拔夫婦拔

公居家經營有方善於積聚製田產新堂構擴充前業以貽
後人不愧元魁公妙裔事父母孝養備至死塋動必循禮性
極愷爽好解人爭訟而於兄弟族黨間用情尤摯及其在官
歷任司牧均重其能委以支給錢糧悉妥當詳明每欲以吏
獎之公曰知無不爲分也辭弗就退食之暇惟以詩書勵

其後子既奮發孫亦秀潤其發皇正未有艾也厥配孺人張氏婉婉淑慎動止從容既不減判薦之風更可徵畫荻之訓使公得與鄙人士遊而免內顧憂者抑亦孺人之助也

大清嘉慶二年歲次戊午仲春月上浣

穀旦

鄉脊弟貢生羅名森拜撰

承奉司諱本成字相卿號綠巖族高祖傳

先儒有言莫爲之前雖美不彰莫爲之後雖盛不傳本成祖之去世也已閱百餘歲矣其事業之炳耀聲聞之洋溢猶昭昭在人耳目間鐘靈淑之氣生而體貌魁奇穎悟過人幼讀

書不屑屑於章句以吏道宣力於桂王府中爲承奉司恪供厥職分王室之瘁而才技冠乎羣僚故其待之也重而用之也專乃當世運滄桑之會祖知時勢難爲凜明哲保身之義辭歸田里杜門終老是有爲而兼有守者也迄今觀其所遺容照讀孝廉君林春芳之揮毫贊題猶想見當年之英豪挺拔足以震赫一時則前有美而旣彰矣且一經庭訓長嗣大寶次大猷俱有聲黌序今後嗣之蕃衍服先疇而食舊德者猶弗替焉非所謂盛無不傳者乎夫先世有度越恒流者後人所當追思而闡揚之豈可聽其湮沒而無可考也哉故錄其實蹟而錄爲之傳云其符璽並未存也世烈顯人

大清嘉慶三年季春月上浣

穀旦

族元孫庠生崑鵬拜撰

忠紳公字廷士遺範小引

我祖諱忠紳字廷士祖母段氏生先父等七人迄今數十年
丁財日盛則吾祖之德蔭非偶然也余小子生也既晚未獲
列點額之斑躬承明盛猶憶先父述其遺範一二端每誌之
不能忘父謂吾祖經營家計靡有甯居銖積寸累糧擔充盈
屋宇廊房躬自創造而猶拮据不敢休故衣不曳帛食不重
味勤勤懇懇樸守其真其與人也無疾言無遽色雖童叟不
爲欺而又端方處世是非不苟故人咸服其正直歟 祖母

優游永日倡隨相敬享年六十六歲而終嗚呼吾祖可謂
全受歸矣余小子痛先父之早世事無內外一身肩之誠恐
厥德不類貽羞先緒能無述遺範而敬承之

嘉慶二年歲次戊午季春月

穀旦

孫貴良德容氏謹述

顯麟公儒人袁太君六旬晉一壽序

昔湯宣城有言婦人稱壽非古也然詩賡眉壽書首五福六
經言壽者不一而足豈以屬在閨閣獨不可以壽稱乎是知
大宣城之言稱壽非古者非也顧壽非難壽而潤之以福則難

抑福非難福而維之以德則尤難求其壽以永之福以潤之
德以維之惟未謝母袁孺人庶幾其近之 孺人具蘭蕙質
擅柳絮才其描鸞刺鳳巧自天成者姑不具論迨歸謝翁玉
書上奉尊章下和妯娌欸賓客主中饋解佩以相夫和丸而
教子其大端也而且富而不矜豐而益儉謹禮度肅閨門柏
舟矢志霜雪爲心尤令人仰芳徽懿節於不置茲值二月二
十二日之吉爲 孺人六旬晉一良辰舞斑衣前有令予持
錦幌後有賢孫樂奏鶴飛筵陳雪藕庭流太和之韻堂開萱
錦之榮倘所謂壽以永之福以潤之德以維之者非耶諸君
子浼余一言以爲壽故泚筆而序之以當西池之一爵云

大清嘉慶三年歲次戊午季春月

穀旦

邑明經段紹模拜撰

顯榮公孺人蕭太君貞節序

今歲丁巳冬十有一月壬子朔值蕭太翁能佐榮膺引年盛典余再從弟魯望與長君似蘭有姻戚好於時登堂慶賀坐談間見謝子懷清磊落英敏少年老成詢之知為太翁宅相也已而道及家世輒嗚咽言曰吾家祚薄吾父昆弟有七先後即世者四妯娌二三人俱矢志苦守吾父亦以讀書未遂賫志而歿其未竟之緒悉賴母氏而他無所分任當吾父之亡也母氏年二十有七大姊甫五齡吾方匝月其一切諸務

外則滿叔爲之維持內則母氏調度所幸外祖父與諸大舅
密邇照拂俾呱七藐孤得以至今日者悉母氏辛勤也今母
氏行年五十有五矣適閤族續修譜牒愧無以報母恩願借
一言以光家乘余聞之而喟然曰嘻是易所謂恒其德貞而
夫子凶者孺人之苦行歷數十年而不變是亦可以傳矣夫
人固有聲不越里閭身不出戶庭一旦事臨於前尙有不能
措置而周全者孺人以未亡之身丁艱鉅之任男婚女嫁創
守兼優是巾幗而丈夫也方之和丸畫荻又何歎焉余與謝
予非夙交而於孺人之懿德亦未能殫述聊卽所爲余言者
叙其端以俟他日之顯揚及當事之旌榮者

大清嘉慶三年歲次戊午季春月

穀旦

候補儒學碧潭黃昌澄題

太學生貴良公字德容先生王修序

嘗思學術者才能應事之所從出而善用其才能者不在應事之揚勵鋪張而在應事之敦倫飭紀至於譜牒之修實所以敬宗而睦族者也然非有主其事者不能成其謀焉若謝子貴良字德容者幼英敏善讀書成文有章邑先達深器重之莫不期以遠人無如父行伯叔先後見背以故棄儒業而周事務凡諸母嬸家一切內外之事悉爲之措置經營此其才能之廉濟非其敦倫飭紀者誰肯舍己從人乎且本此孝

友之心又著而爲光大之事倡建公廳不辭勞瘁擴前人之
所未擴正所謂修身齊家光前而裕後者也合族知其應事
多能輯譜議爲主修夫輯譜重事也主修重任也事重非學
術不濟任重非才能莫當謝子也才能過人也才能本乎學
術應事之才能實爲學術之所出余固不第信其才能學術
之優而尤服其敦倫飭紀之足重閭里也是爲序

大清嘉慶二年歲次戊午季春月中浣 穀旦

邑貢生嫻眷弟李 鏞拜撰

贈耆賓世英年伯翁主修序

程北謝氏吾資邑巨族也富貴功名之家耆碩俊髦之彥赫

赫濟濟稱極盛焉族有舊譜相傳既以世遠則倫誼易疎人
繁則世系多混公議重加增修然非得其人以主其事難以
糾合衆志聿觀厥成議舉年伯翁世英先生以爲倡翁諱有
大頌字世英太學生時慶之父邑庠生浩然之祖而纂修譜牒
有頌先生卽公之季弟也齒德俱尊望隆譽重主修之任
誠非翁莫屬矣歲丙辰翁年七旬晉一大文宗范錫以匾
聯壽屏深嘉褒予州憲衛縣王梁悉加頌揚翁之碩德善
行亦旣無不彰矣今歲特奉恩詔舉賜耆賢惟其有是德
而宜有是福不特爲謝氏之光抑且爲資邑之望焉况夫族
譜之修有富貴可以傳後功名可以光前者頌有德堪型俊

髦有才足式者皆著爲實錄而求如翁之備富貴功名者碩
俊髦於一身一家者謝氏雖巨族要必以翁首推焉雖其生
平碩德善行表揚昭著而主修之舉尤不可不書以示子孫
且以勉後進之相繼而起者晚叨世好知翁最悉故謹錄其
行著之簡端以相贈云是爲序

大清嘉慶二年歲次丁巳季秋月之望吉日

年春世姪邑庠劉鳳祥拜撰

贈逸士直翁叔父主修序

譜也者所以紀世系而聯子姓也譜之設由來尙矣我族之
錯處甯北者固實繁有徒溯其始雖一源而其後未必不以

世遠地隔而分也則欲統分者而使之合是非重修家譜則不可但其功浩費繁計非一手一足之可以告厥成也維我叔時韓公字直安者宅心仁孝常切木本水源之恩秉性慈祥夙懷尊祖敬宗之意丁巳秋族人合志重修叔不禁忻然起無捐資恐後以膺主修之舉從諸君子後共勦厥事茲譜告成非敢云預有成功亦聊以明素志云耳是爲序

大清嘉慶二年歲次戊午仲春月之廿

吉日

胞姪富揚拜撰

贈庠生庸德先生主修記

先生身列膠庠確守卧碑每以敦倫飭紀繼述爲務雖席厚業而韜歛益密於課耕勤讀外惟有放懷詩酒笑傲林泉而他無與焉其於鄉黨中之美舉祇見好善樂施慷慨好義率自有之真無狗俗而苟同無矜奇而立異且豐儉各宜情又備至殆所謂溫溫恭人惟德之隅合 先生其誰與歸哉歲

丁巳重修族譜議

先生爲主修

先生無難色且捐貲恐

後其尊祖之心固昭然若揭而平昔睦族之雅意更可想而見矣擬之以從前之樂善好施慷慨好義者此又繼述之所關非淺鮮也書曰皇天無親惟德是輔易曰積善之家必有

餘慶行見蘭桂芬芳拖青紫而光先緒者余且拭目俟之矣
夫善無大小有則必書以紀之獎勤之道也余聆其儀值今
家乘告成而樂爲之記者各以斯記而表有善實以此記而
嘉先生之敦崇其本也 先生勉乎哉

大清嘉慶二年歲次戊午仲春月之廿

吉日

年眷教弟歲進士候補儒學正堂李 英拜撰

贈族姪萬鑑王修序

族譜之續固非一人可以邀功而先人之志尤望後來克繼
若是乎爲子孫者能以祖宗之心爲心匪唯孝思不匱而功
之所施其真垂於奕禩無窮者矣我族才發姪字萬鑑者德

珍之督子善安之長孫也祖父兩世單傳皆砥節厲行克自
樹立洎至姪幼讀詩書長練世性樸誠是式孝友堪型性尤
敦本重族慷慨好義有乃祖乃父之風焉歲丁巳族譜重修
舉姪王其成姪曰吾憶幼立祖若父之側嘗謂我曰舊譜倡
修自雍正乙卯後曠續固有年矣且夫譜所以明世系聯一
本也他日族有續修者汝其重勉之曾日月幾何祖已捐館
越兩年父又不祿今族是舉正隱符吾祖之夙志也不敢以
無力爲辭第惜吾祖若父不及親見耳噫侄之不忘祖若父
如此則由此而推乃父卽世之時母年未四十昆季正在妙
齡侄克遵遺訓故事業增前徽振凡此無間人言者景福亦

爲之臻今又得舉丈夫子四矣詩曰燕翼貽謀其光於前者
姪之祖若父有焉易曰克繩祖武姪之裕於後者不更足多
乎茲幸譜牒告成凡族之紳士俊秀以及德行可名事業足
錄靡不悉載以光家乘况萬鑑素爲族黨所推重者哉行見
其異日者克類維賢則匪第爲吾族之俊士抑且樹鄉里之
望也至羣季惠連指顧拖青紆紫余且拭目俟之書此以誌
其功而更嘉其能繼厥祖若父之志也是爲序

大清嘉慶二年歲次戊午仲春月

穀旦

主纂歲進士候選儒學顯邦題

恭祝

謝世英耆翁八旬開一壽序

老之貴於天下也久矣粵稽四代制以時異道無不符典重引
年其義一也上庠下庠左學右學東膠虞庠殊其地燕禮饗
禮食禮別其儀四豆五豆六豆異其物與夫執醬而饋執爵
而醕以及升歌下管之節所以致尊敬於國老庶老者無不
極情文之備以昭示天下俾引戶校年人修孝讓遐哉斯何
如洵穆之隆風也自時厥後時君世主間亦援經據典授几
授杖北面三老五更髣髴憲典乞言之意求其度越千古比
隆唐虞三代厥惟我朝莫與京焉

太上皇帝承

列聖貽庥養天下和平之福者六十年養老之禮靡不備至開

千叟宴於

皇都麗眉修髯胥濟濟縉紳之列念士皓首窮經隱約宮牆

恩賜名列科第士林生色而猶未也恭逢丙辰年躋九秩解

璽內禱廣沛

恩綸凡滿漢七十以上着該部議

奏給與品級此虞夏商周所未及舉行者歛五福以錫茲庶

民山林逸叟泉石幽人感沾德化扶杖歛歛民生斯世何其

幸歟余奉

簡命視學楚南臨郴校士人材茂美實深嘉嘆試畢獎賞盈目
羽儀顧而樂之資邑謝生名浩然者頓首陳詞曰生少失怙
分甘愚蒙惟祖世英不忍棄其不材勤讀就傳負笈東山寒
暑不容少懈幸托黌宮固薪禱之化不相樗櫟繫祖卵翼之
恩生未能報何敢弭忘旨未已諸生雁行續進以請曰乃祖
少艱家計爰暨昆季同心共理日就贏餘推少分多誼篤友
于計安親心克光令緒勉成季子詩書其厚於根本如此請
再言其接物平心處世信義無乖分官鮑之金未嘗以錙銖
失朋儕之好故少壯之交白首不渝今則謝絕家務放情物
外堂前舉齊眉之案膝下毓芝蘭之英陶兀然間適於化日

讀上於諸
光天梓里薰其德者莫不加敬以今臘月廿二之吉爲

翁八旬開一令誕謀援

恩例告之司牧達諸

帝廷以待報可乃製錦屏躋堂稱祝沐浴膏澤咏歌太平以侈其盛是爲大君子錫之仁言表揚休嘉用以風示黎庶余惟

翁生長國家有道靈長之日有幹有年適與

皇仁之沛千載一時進此年高德邵安車蒲輪扶杖

天朝養於膠庠序學奉以饗禮食禮加之五豆六豆祝嘏在前祝嘏在後記惇史而爲更爲老 翁亦可以當之無歉矣

第品級之榮云乎哉詩曰君子有穀貽厥孫子 翁之于時

慶已名列成均浩然其益務豐其羽毛騫騰霄漢無忘乃祖
之德懋彼前修余亦惟是宣上德意其以東山碩望表厥宅
里並述古明訓揚厲本朝揭諸錦屏爾諸生隨爾諸父老
登翁之堂誦難老之詩歌保艾之章授幾杖進嘉餼酌大
斗以祈黃耆者抑知上之功德休養生息涵照百數十年
之深也至年與例符詳請咨部良有司之責誠余之所甚願
也夫是爲序

壽 甘谷足延齡養效鶴髮新顏絕勝曼君三洗髓

聯 東山堪適志培此龍鱗老幹共羨節芝九經霜

壽匾 東山碩望

大清嘉慶元年歲次丙辰季夏月之吉

穀旦

欽命提督湖南全省學政刑部浙江司郎中兼翰林院編修隨

帶軍功加入級紀錄十次范

鰲撰

贈渭占先生夫婦雙叙

先生爲運發公之季子也三叔運貴公無後襁褓中許以爲
繼以人愛憐少子雖繼猶依本生馬值今族譜續修 先生

原其幼繼之心不忍叔嗣無傳仍以已名及其子若孫概註
叔頂是亦繼絕之念也 先生性敏捷量優容自幼能文章

屢試前列數取備卷每以懷才負異滿擬禹浪鵬程何期老
而不售致使良驥伏櫪識者惜之夫詩書之願不遂於身必

望其子人情也長子時雍學業幾成無如遇戚不淑有志未
逮故耳先生尤長古札其遇艱不能刊以行世雖居恒喜恬
退遇是非務爭可否平生存心以待天知慎交而全始終此
則先生之大概人所莫及也至於雙親之生事死塋動必
循禮春霜秋露老而涕泣與夫恭兄慈幼無間人言噫先生
不洵完人也哉爰持昔人船楫詩以贊曰不與諸竿較短長
任隨高下有何妨時人莫訝撐持小大作顛危一主張厥配
孺人袁氏懿範端莊幽閒淑慎潔蘋蘩勤紡績衣無新故必
紉以完庭無廊簷必嚴以肅佐翁讀書無使富貴貧賤累其
心教子持身務期忠孝節義立其志祥瑞所鍾宜其桂枝挺

講止於詩
特蘭芽疊茁而秀發雲初也今

聖朝尊賢優老典軼前代着該 部奏議錫以品級賜以官帶

先生年與例符德與壽稱旣膺

綸恩以爲邦國光而 孺人之身以夫榮瑛冠象服不期而自

至無庸余之瓊屑也是爲序

大清嘉慶三年歲次丙辰季春月之廿 吉旦

恩進士授分州職銜同研弟李元祿拜撰

贈處士達周研長兄序

考古因生賜姓胙土命氏則世之所稱巨族名家者有自來
矣貴族烏衣衍慶冠裳濟美其載在史冊者已彰彰可考而

源遠流長繼自今而流風未艾也有友達周名富揚者叨同
梓里幼共籛窻自師而友咸羨爲名家駒藍田玉以爲將來
追紹先賢丕振家聲也夫何厥考早喪遂罷詩書惟是放情
邱壑寄傲南窓余嘗窺其志趣雅不減乎東山高卧之風名
利關頭友其匪我思存乎今貴族諸君子欲繼先緒而重修
族譜友任其役而始終不懈屬余作文以誌之余惟貴族人
文固稱極盛矣惟友青雲之志未遂懼其湮沒而名不彰也
用是歷想貴族先賢而恍然若合者爲之錄其品概以與諸
君子相匹休焉是爲序

大清嘉慶二年歲次戊午仲春月之廿

吉日

同研弟邑庠生袁自進拜撰

贈處士舅爺英才公夫婦跋

公滿安外祖之子捷飛太外祖之孫也有穎悟俗務紛累不
克讀書有成然其賦質也耿介其立意也慈祥濟急賑困載
在口碑掌族公貲子母相權益致其大知其屏侵蝕之弊者
丁巳歲續修族譜舉公總管會計出納不畏人言不避嫌怨
知其爲義而不利公而忘私者且也守正不阿遇是非爭可
否而徃徃於嚴毅之中隱寓任卹之意詩曰愷弟君子邦之
司直公則有焉爰持古聯以贈之云私意一毫無路入公
平兩字有天知噫公之積行若此雖長郎學富東敗而天鑒

厥德於公者轉而報公庭前蘭桂叢開其昌熾豈易量哉
暨我舅母孺人袁氏端莊靜一慈惠溫良恒容意外之干常
釋局中之忿製產每憐資歎不吝脫簪睦族無問親疎豈憚
推解以及課子和丸訓媳內則孺人有此求之巾幗實罕比
倫甥叨膝下得親儀型爰抒毫端以代寫真是爲跋

大清嘉慶三年歲次戊午仲春月之廿

吉日

候選縣左堂外甥李時憲拜撰

處士謝君墓誌銘

前乾隆五十四年己酉秋七月十四日陳留處士謝君卒時
年三十九出殯於八家塘未葬也越今嘉慶二年戊午其子

浩然將卜塋君乃序其行實丐予銘其墓予以固陋辭既不獲命且浩然嘗從予遊是以諾而銘之君諱時亨字利貞生而穎異及長而益騫喜讀書提要鉤元兀匕拔匕雖屢躋於院試不懈也後以父命棄儒業往來湘漢間時其物之貴賤居奇取贏百不失一家道遂日豐然囊貯舊籍舟車旅邸中時探而讀之人謂曰爾何庸爲此君曰吾志固有在也故其謀子弟也嚴而待師友也誠懇有加禮君剛直好義與人言是是非非不爲苟止而妄隨至於族黨之貧急者必多方維持之其鄉里有紛難事與之謀可以財排解者未嘗悞也故諸所與交議者多其爲人及聞其歿皆慨然太息爲流涕初

未卒之前二年丁未養病於寶瓶仙不作祈禱事惟刻陰騭
文數千張曰以此酬吾夙願疾劇時顧家人而言曰吾年未
四十遽登鬼籙命也惟父母在堂不及終養且以傷遲暮心
予之罪在此矣至於讀書未成可留與後人繼之也他何憂
焉嗟呼以今之德宜享壽未艾也而遽棄塵寰天之報施善
人安在哉毋乃造物者都不記省任其死生壽妖耶抑嗇於
此而必豐於彼耶曾祖某祖某父某今以

皇恩賜登仕郎母文氏有弟三亡其二其存者時慶今爲太學
生配黃氏于一曰浩然補弟子員孫數人君亡後之六年其
子受知於學臺石公俊敏卓犖所造未易量亦可見有德之

讀丘族譜
必有後而前人之志爲可繼也銘曰

於戲謝君其德旣懋不永其壽天道有知別於君乎是厚君
其瞑目窀穸之中以利厥後我銘以貞之諒斯言之不謬

大清嘉慶三年歲次戊午季春月中浣

穀旦

選貢生眷教弟曹宗之謹識

贈正國王修引

余族正國長房致禮公十五代孫也孫之祖始居魯塘傳至
志德公性好僻靜卜遷石禾塘斯地也林壑秀麗公恒藉爲
高蹈之所夫地靈則人傑山川清淑之氣造物每鍾於人故
孫之歷祖偉人俊士代不乏人前雍正乙卯年倡修族譜舉

好義有爲之士主其役爾時汝長房厥惟孫祖忠言公今值
續修之會余房議舉四人魯塘忠京孝緒源塘汪昌而長房
之主其事者又在孫也豈謂孫之席厚履豐便於解囊乎抑
以孫之敦本好義能繼志述事克光前列耳噫孫之祖若
孫先後濟美於以想見世德作求靈秀所鍾若斯也今之有
功於斯譜者多刊其行實序傳以表揚之余不才忝列撰修
之末安能於孫之先後媲美而不一言以垂令名於不朽乎
是爲引

大清嘉慶三年歲次戊午桐月之望

吉日

族祖其昌孟私氏撰

國士鄉老行畧傳

公諱貴瑞字國士居城之北樹德吾鄉箕山穎水儔也予自
弱齡赴試郴陽聆童叟傳頌心竊驚嘆歸請家君誨其由
公會冠州科借箸臺檄恩檄成聲洎郎君伯仲同事鷄窗始
親丰儀寒暄道雅少孤勵志緣是多年悉其素履業詩書善
說辭春和其容夏天爲操秋揚是行冬日居心守遺業而恢
先緒課後嗣以振家聲嘗厯邑宰詩筵旌揚 貴族派發永
甯盛修譜牒共勲厥事慨公生平抱器藏珠逍遙巔湄願以
寬宏穎異篤厚公平謹登持贈不知有當然否

庠生曹亨佳拜撰

文彩公行略傳

公諱貴珣字文彩北里程源之高士也少負穎異留心經史
屢試莫售遂就藩書同署之人皆仰其德範而師事之其居
鄉也秉正端嚴遇事果敢鄉里有不平者輒爲排解之而且
創業守成克光先緒貽謀式穀富且而仁以故鄉里稱頌勿
衰是皆 公之誠德感人而然也 貴族衆議修譜 公爲
主修共勩其事此又 公之德也 公能備斯數善若是余
又烏得不錄其實行而表揚之

庠生許大顯拜撰

廷彩公行畧傳

公諱貴琇字廷彩與予同鄉共筆硯同榻席匪朝伊夕每遇
課試公名前列得批云浩氣磅礴楚南傑才公急濟時
任職郴陽書吏福庇六城士庶予實恨其短於用也遇固多
豐又值身矜輩疊歲覬覦公面質庭分未侵毫餘俾厥緒
昌熾吾鄉咸欽羨焉是以大邦有子姻聯華第予心儀其事
實難龔其臧嘉惟理以持己情以恕物遵循勿替者公其
庶幾乎

庠生曹亨佳拜撰

文侯公行畧傳

文侯公講昌用誠寧北之偉人也性純和心耿介事親敬長友愛昆季無不本乎自然而且幼勤詩書屢試莫遂就縣書吏爲六科之首凡案牘叢難皆決於公焉故歷任官長寵之重之同署良朋親之敬之是知公之才能過人遠矣公之德惠積累深矣其居鄉也凡事有不平者質之於公皆心悅誠服豈不稱爲寧北之偉人也哉今屆修譜公又爲之竭力督理共勦厥美余屬宗誼與公雖隔十里素知公之德業實行故錄之於譜以爲後之人氏勸

纂修宗拙崇久懿徵甫拜撰

周翁謝先生七旬有一壽序

方今 聖天子高國日久恩覃澤洽躋億兆人於仁壽之域
邇年來更渙汗大號年逾六旬以上者給米一石錦一端俾
州縣官存問雖三代盛時敬養耆老之政不是過也使者承
天子命握文衡於大湖以南見有年老之生深爲欽恤且詢
及其家族之高年者若而人以宣上德誠念輶軒所至不徒
以考課詩文爲事也郴之州在嶺之上山峻而水駛其諸中
州清淑之氣盛而不過者乎歲之丙午予再蒞此邦每低徊
流連矣謝生孝紳甯邑之俊士也圖所以壽乃 祖國學生
者試畢與袁生宜宏黎生詩琰段生紹模曹生宗之等合詞

而請曰生之祖春秋七十有一矣勤勤一生度無以榮顯
公者得願托名鉅卿之言以不朽庸敢拜謁門下余曰如何
袁生曰公少事詩書旣壯學計然之術遂致豐饒理家事慈
公有威和謹著鄉里間有三子其季遵例厠壁雍今諸孫旣
秀異四代曾孫數人亦森立竹公惟勤課誦讀以期其成暇
則澆花蒔藥飼魚種樹徜徉邱壑間其鄉曲之困乏者就之
謀則蘇之餘以他事告者則以故辭也予曰生之言甚質而
文矣抑不知其所言者果皆如先生之實者乎諸生曰生何
能諛哉井里相望知之悉故言之詳公所未嘗爲者亦生所
不敢言者也予聞而喜曰人情莫不欲壽而有道焉欲寡則

心靜心靜則神清神清則氣和氣和則身安故能精明強固
以永其天年古之鶴髮童顏享遐齡之福者用是道也今先
生之和謹旣如諸生之所云則鄉人皆愛敬之而願攀而聽
之矣乃課讀之餘花欄藥圃之外別無事焉不以富厚矜耀
里閭而自得家庭之至樂優游於化日光天之下非所云心
靜而身安者歟壽考且寧未有不由乎此夫存問耆老達諸
天子錫文錦以寵榮里巷者有司之事也體聖王敬養黃耆
之心作文章以道其潛德者使者之事也其歸語壽翁懋乃
耆德頤養天和分甘以娛孫子由此而耄耄而期頤爲國家
之人瑞有日矣不知稱觴致祝者亦或有見於此意焉否也

乾隆五十三年歲戊申桂月上浣之吉

穀旦

欽命湖南全省提督學院通政使司左堂都察院御史

加十級紀錄十次錢 爲 恭祝

贈周翁老先生序

公諱昌翰字周才太學生也先世爲魯塘人後徙居雷塘迄
公身乃家於青草塘幼勤詩書長學計然術翺遊江湖湘漢
間遂致豐裕然謙冲儉約未嘗以多貲自豪也人有貧乏者
貸之財薄取其息或不償焚其券又周其族黨之不給者故
以長者聞於鄉課子孫構一書舍延明師以教之束修倍敦
廣招益友情意綢繆非但在酒食饜飫間也德配 曹孺人

助之潔中饋喜延賓和淑溫恭稱之者無間言故以德釀福
以壽享福錢學臺爲公七十一壽製帳文而司諭熊公爲孺
人六十一壽製七言長律詩以爲贈有子二女三長君忠上
名致澤幼病不聰然勤儉喜詩書風味如乃翁季君忠奇名
毓常富文學遊璧離皆先翁而卒長壻唐君公愛其誠樸遂
以爲嗣分家業如其子孫曾十餘人森森玉樹其家有烏衣
風長孫孝紳秀士也與余交最密曰爾知之最深者爾宜爲
公傳余曰公懋德於身與厥配醞釀多福其享壽考而昌大
有後也宜哉

大清嘉慶三年歲次戊午桐月之望

穀旦

選貢年眷晚曹宗之拜贈

俚言恭祝

周翁謝年兄
令閩曹孺人六旬晉一榮壽清和猶復似春
陽小雨初晴景物芳芍藥翻堦花事了芙蓉出水日輪長鄰
姬停線歌坤德野老輟耕捧玉觴云是陳留開綺席共欣

謝母集休祥閨箴久佩大家誠蕙淑尤分道韞光中饋攸宜
勤酒食生涯一任寄湖湘人欽禮法皆稱郝鳥送金鈎亦氏
張廣袤腴田原不瘠鼎新夏屋實多方時和膽汁嚴攻苦豈
但心勞善贊勳桂子摩空知藹瑞蘭芽茁地已成行舍館娛
日頭堪白介壽占眉麥徧黃醴泛銀船觀漲海燭燃丹鳳照

鳴璫亭亭寶樹九霞接楚楚烏衣五色彰潤澤童顏榮繡戶
輝煌婺宿燦南疆櫻桃赤混蟠桃艷燧棗光同火棗香膠木
詩吟綏福履雲璈樂奏叶笙簧最憐美事熏人意若箇宜男
楹北堂露井榴紅凝沆瀣風簷竹翠引鸞凰天孫好織終堆
錦澗宇添籌幾變桑此後相將數甲子翹瞻女几色青蒼

龍飛乾隆丁酉梅月中浣

穀旦

興甯縣儒學教諭資陽熊光琛拜

陞廷學兄小引

謝子諱孝縉字陞廷性倜儻卓犖不羣年雖少有老成風家
雖饒無紉袴氣好義舉凡主修族譜之類卽數十金而不吝

孀慈袁孺人治家嚴肅教子媳必以禮謝子咸遵守之無違
撫兄孝綉善耕作謝子善視之析產悉從厚嘗曰吾祖建別
業以功名期後進艾雖身列辟雍常以讀書未就賫志而歿
吾安敢不重體此意焉故焚膏勵業讀書曰有進夫玉不終
於璞驥不長於櫪如謝子者安知不可以席珍不可以千里
者乎謝子勉乎哉

大清嘉慶二年歲次戊午季春月上浣

吉日

選貢同學弟曹宗之贈

用之姻翁行畧傳

公諱富從字用之氣概清朗乃吾鄉源塘地靈之所鍾也慨

公生平青雲有志時遇維艱凡考古而質今排難而解紛者
明且決也故當大兵之役逼處永江壤地相接智謀勇力者
歛手退避他何論焉 公獨不畏三軍衛護鄉里不罹其害
視各自爲計之徒則公迥出尋常萬萬也當是時也守成且
苦創業更難公猶貽謀多豐置糧拾石餘憫凶濟急恍若堯
夫之布仁桂馥蘭馨儼如寶鈞之積德匹室名門夫婦偕白
公之福德兼隆亦由 公之根根深蒂固而然也余也素切
瞻韓欣叨孳托故悉知 公之素履端厚特爲之贊颺公之
實行云耳

候選教諭袁祖暹

喬先鄉老行略傳

公諱貴梓字喬先乃吾鄉之厚德人也吾邑之盛則吾鄉也
爲最吾鄉之盛則又公地爲最焉是以 貴族中奇偉疊出
時厯宰侯旌揚予生也晚間履 公庭目其課子准孝弟忠
信禮義廉耻爲之諄諄也家教凜嚴卽君輩士農工商各精
其業未能或之先者公恪守樸拙不事鬻凌蘭桂七英基產
益盛則忠厚之流光信不誣矣是知豐於遇者無藉於巧昌
於後者莫關於詐余蓋於 公之古貌古心而恍然有會矣

庠生焦大書拜題

謝翁諱貴璫字素文序

山巔水湄之側有逸叟焉如翁諱貴璫字素文者敦倫誼而重氣節者也生平坦易真率與物無侮席先世之業守而兼創人遺子以金玉翁庭訓惟一經長嗣諱振名噪辟雍季子孟私州縣試屢拔前茅大文宗褚取錄副生諸孫輩皆倜儻不羣堪恢先緒於勿替其在詩曰樂只君子福履綏之可持以贈翁矣夫懿德人所同好持舉約正訓俗型方里黨有爭競翁婉言開導利害指陳人咸欽服論者比之魯連翁五旬誕罷伯陳錫以匾云雅度冲和其聯則曰庭前在昔森玉樹池上於今有鳳毛六旬晉一司鐸譚又以望重鄉邑旌

其廬由是德益茂年益高而令望愈著即不得做古養於上
庠列於西序臨雍拜老以彰厥德而淳龐留先民之風耆舊
作都人之範雖非邦國之光亦閭里之選也德配唐孺人性
端恪甘樸素勤勞操作翁之業廣阡陌 孺人佐助之力居
多詩人美文考而兼及太妣 翁與 孺人誠健順合德者
也茲值重輯家譜嗣君孟私勸其成後嗣之多賢皆先澤之
所貽留也於是乎爲之傳

大清嘉慶三年歲次戊午季春月下浣

穀旦

族明經邦拜撰

謝氏家譜
主修職員謝公諱汪昌字鼎川姻翁先生序

河發源崑崙千里九折達龍門經績石汪洋灑瀚蓋積之也
大厚其流自遠是義也可通於謝氏之巨譜焉謝氏爲楚南望

族晚與謝親翁鼎老先生甚相洽也今年春晚登潭庭把酒

談次間道及族譜重輯翁居主修急公好義晚聞言嘉嘆

而亟欲成謝翁敬宗合族之盛心也因欣然曰譜之所以

作者有二紀不宜紊欲其分派不宜遺欲其合分者禮節也

合者樂和也周道尊尊而親親本此義也以譜之所以作也

今翁族之籍於甯北也肇基於名臣中顯於科甲其他聲

名文物衣冠井閭之富迄於今弗替前賢之述備矣不必曠

但念 翁於族譜之重輯也主其事而捐金解囊是 翁之
慷慨好義也抑 翁之尊祖敬宗也夫小善猶必錄之以爲
閭里勸而况尊祖敬宗之大者尤足以光昭前烈永垂奕禩
於無窮也哉敢弁是說於簡端以爲序

大清嘉慶三年歲次戊午季春月中浣

穀旦

邑庠生姻眷晚焦豐性拜撰

謝公講其昌字孟私先生傳略

堂祖其昌者乃太祖翁耆賢貴璫公所出也鼎峙五房公居
季位嗜經史肄詩文風流蘊藉曾乎莫及尤胸藏偉畧鄉曲

有盛舉毅然往焉勿憚也人有紛爭投者恒得片言立解推以仲連彷彿遇之前嘉慶歲續修家牒嘗自言曰族譜重務也恢先緒裕後昆在斯舉矣纂輯之任曷焉敢辭噫扶輿磅礴之氣造物不偏囿也而得其靈者端歸諸耆賢逸士如公者洵先民之遺範而亦當世之人傑也哉

大司馬孫庠生家樹塔謹識

逸叟謝翁從周傳

地靈者類多人傑固已一翁之先世卜宅於水東洞山環而水纏往往有龐眉鶴髮齒與德兼者幽隱於其際靈淑之所鐘豈偶然哉翁性氣介嚴無卑靡態其古貌古心乃無懷

葛天氏之遺民也里有紛爭事能是非必辨可否必決其率
性而行大事類此由少至老謹守法度足跡不到公庭長厚
之稱有自來乎余於郎君習明舊識也觀其言動臧謹流之
清者源必潔而翁之德盛教嚴概可知矣且蘭枝叢開樸
耕秀讀差堪克宏先緒是又積之厚而其發必長乎余生也
晚末由親炙而翁之行誼猶有傳者秉彝攸好公論自在
人心也夫野有逸叟齒與德兼則其典型未遠地靈多人傑
信不誣矣爰錄之以爲傳

嘉慶三年歲次戊午孟夏月上浣

穀旦

邑庠生袁馨宜拜撰

讀日方詩
贈王修至明序

譜之難成也以下繁費浩慮其所用不敷則有賴於王其事者而鄙悛之輩不與焉我族之譜前輯於雍正乙卯閱六十餘年而始續其所爲躊躇非一日抑非一人矣使無慷慨好義以承其任其能聿觀厥成如是乎我族至明之爲人也篤至性敦孝友自厥考棄世能自樹立率其季弟同心營謀俾家業漸裕而各娶有室以完厥考未了之願處繼母依然昏定晨省待昆季倣古大被同眠雖居塵囂以逐末興之語道理論人情雅有詩書之氣其倡健娘七祠也捐金弗惜而敬宗睦族王修家譜尤急於根本之地焉夫人固有席先人之

厚業而鄙恡慳囊者有矣乃以銖積寸累營謀維艱而能慷慨好義於譜之輯也而助以成之可知其器識之遠大矣後此之事業其能限其所至哉是爲序

大清嘉慶三年歲次戊午季春月中浣

穀旦

族歲貢顯邦撰

贈王修謝翁友文序

古所稱逸叟者謂其居心渾樸樂易和平而優游自得於寬閒寂寞之濱者也如翁非其人歟翁篤於孝友其色養之備至友恭之足式者內與外無間言持己接物無疾言遽色分管鮑之金以義爲利而公帑則急輸故門無悍吏之呼

言上放言
翁嘗謂力勤而節用則不忮不求終身無辱噫此蓋深知世
情之冷煖而有感於心也夫福緣德召故壽逾古稀桂蘭同
茂點額之 翁與黃髮之母舉案齊眉十畝之間桑者泄匕
鷄黍以佐頤甘 翁惟於寬閒之日月含飴弄孫高原下隰
之側扶杖往觀以樂天年也歟今重輯族譜議主修者若而
人而 翁廁乎其間余謂 翁非豐於財者其欣然好義如
是耶是亦敬宗睦族之盛心也因爰筆而爲之序

嘉慶三年歲次戊午仲春月中浣

穀旦

廩生劉風詩拜撰

贈主修太學生顯翰公字國林先生夫婦像贊並序

先生甯北佳士也抱志殊尤不作平庸伎倆余聞而思企久矣既而偕其長郎貴華榮升成均時到寒暑相謁因以得接芝眉而次三四郎讀書有聲余俱以大器目之一日持其夫婦寫真索言於余展而閱之見其笑容可掬而英剛之氣已自畢露毫端矣贊曰

我瞻其容容貌甚古我儀其情七致榻七鐵石爲神松竹爲侶席厚履豐適得其所問何以熙熙欲笑曰吾今偕子入成均之中還瞻後嗣入芹藻之府

謝母袁孺人像贊

淑慎者其性端壯者其容佐夫名登仕籍教子身入芹宮家
有珍而不御髮可剪以留朋茲擗管而羨箕疇之五福還拭
日以俟盛代之榮封

湖南直隸郴州興寧縣儒學正堂王先昇題

恭祝

太學生瀾溪公承老嫻臺大人七旬開一壽文

時逢攝提律中大簇椒花作頌柏酒流馨紅桃與綠柳齊穉
淑氣隨晴光並轉乾坤開泰伯符作樂之辰甲子週天馬援
據鞍之日恭惟承老嫻臺大人玉樹連根芝蘭吐氣間創
垂於先世弓冶皆良善繼述於當躬箕裘克紹少騎竹馬不

媿烏衣郎君小試文壇見賞黃堂太守筆底走精銳穿破天
心詞旨吐光芒斬除鶴膝倘入天祿讐校堪令太乙分光抑
或虎觀談經可與戴馮抗席然輝生璧水而心無宦情每念
王陽迴車守身最重遂效陶潛歸里折腰不爲與世無爭高
卧作羲皇之客臨財毋苟宅身在廉讓之間不履縣尉之廷
惟叙天倫之樂仰觀南山喬木愛日舒忱娛到北堂萱花斑
衣戲綵庚堂鬪角能潤屋亦能潤身子畝連阡有恆心兼有
恒產百代之先靈奚妥糾宗族而建祠兩都之兵穀何輸董
鄒鄰而置業或平梁除道樂助囊金或濟困扶危類甦涸鮒
或吟詩而把酒殊有名士風流或啟贖而振聾幾等道人木

鐸蓋立言兼以立德斯壽世卽以壽身若徵內助之賢良喜
配孺人於 羅氏一心克協琴韻與瑟韻同賡兩事相型杼
聲與書聲互應鳳皇旣卜雉夢不虛仲君價等連城珍推席
上季子才經百鍊物匪池中月色增輝已是飄七桂子階庭
毓秀更喜茁七蘭蓀得句於鸚鵡屏中呼爲小友摩頂於羊
車市上問是誰家宜其愛之繞膝笑而含飴者也維是和風
吹煖春酒介眉水飲甘泉杖扶靈壽添鶴髮于今日驗龜息
於當年祥開北海之尊疇臻五福高輝南極之斗慶叶三多
大清道光十六年歲次丙申上浣 穀旦

祭酉科選拔侯銓州判眷教弟唐世叙敦吾氏拜撰

謝府鳳來先生七旬晉一壽序

蓋聞積德之家必有餘慶降神之衣多享耆年謝鯤邱壑以
娛殘生謝泌衰暮而薦傑士志高叔世安石則醉卧東山葉
渡長江仲初則道修閣皂自古既多壽耆於今更見偉人稽
叔夜狀貌魁梧信是仙靈之器謝淑源丰姿秀美宜得益壽
之名恭惟鳳來大兄先生陳留貴胄中國華宗碩大無朋椒
兮善衍此維與宅鶯也能遷周源山本壽佛卓錫之地柳侯
寨爲天師得道之場桃源無異避秦之津醺醪可醞延齡之
酒衡門蕭寂不打慈鴉修竹檀欒惟生孝筍以故 先生不
樂仕進雅愛林泉柳暗篇櫳座滿啣杯之客水明樓榭筵留

關奕之賓慕神禹之用儉克家思大舜之竭力供職或挾其
捨刈耨鋤督率田間或當夫雨露風晴巡行隴畔朝夕不遑
暇食雞黍幸得承歡儉以起家洗腆於焉致慶積而能散好
善故爾樂施不矜絜綺之風常載翳桑之食撮其元善尤有
二端今夫 國家所重者人材而人材所育者學校自有學
校之設卽有膏火之需一則爲官師獎勸之資一則爲誦讀
燈油之費在省垣曰國學詔精則頒之 朝廷在州縣曰鄉
學餼食則助之士庶粵自上章攝提之歲適余掌教漢甯之
時 先生好義急公捐田書院刊之珉石用以彰其善心傳
於後人庶不泯其姓字此其一也擾害于鄉莫甚乎盜萑苻

效賊都由太叔之寬鳧繹匪人常厪大夫之患譬如禹州饒
厲鼎不鑄而胡消晉渚多妖犀未燃而奚燭 先生則深切
安良之願時懷弭盜之心邀集鄉人嚴飭鄉保謂憤盜必多
積案察其犯科虛實庶潔者不遭玷辱之污謂當官必拔仇
家禁其妄扯牽連斯善者免受無辜之累發奸摘伏窮流清
源斯議既倡宵小斂跡又其一也今者烏陽照九景踰牛首
之山鶉火昏中度仍心尾之象當此長日小年之候正值稀
齡介壽之時畫錦堂中爛斑是鳳雲璈隊裡鞞臚皆龍謬充
蓬島之賓翼獻麥邱之祝有章有慶知他年定拜 皇封頌
載歌卽此日足傳家乘

道光二十年歲次庚子孟秋月上浣

穀旦

乙酉科選拔候銓直隸分州紫垣段騰奎拜撰

輝祖字朝光小傳

公諱輝祖字朝光宗周公家君也幼讀書大義頗明長躬耕隴畝間兩課晴悠然得田家樂事二人以孝聞冬溫夏清未嘗稍疎與昆季處手足情深怡匕如也年將半百始舉一子十歲命就外傳課讀綦嚴絕無姑息愛待人尤忠厚罔事輩凌間有唾面直待自乾不屑與世競長短顏躅曰清淨貞正以自娛其斯之謂乎

從堂孫秀如謹識

輝祖妻傳

孺人劉氏閨字冬娘輝祖公妻也幼嫻女則于歸後洗手作羹能諳姑食性和諧娣姒不聞詬誶聲待人溫厚鸞分後尤孳匕爲善間有告糶價較人廉縱糶者自量無吝色亦無德色或語以爲仁不富孺人叱曰升斗不容量盡當留餘地以待後人胞姪幼失怙恃孺人撫育髣髴己子不以別爨有年頓生異志弱冠後姪始自炊然心猶係戀凡歲時伏臘必呼姪共食姪或他往卽分甘以待其姪德之迄今猶銘肺腑道光庚辰厥子旁求年方廿五齋志以歿鄉先生爲之於邑

謂其文有可觀其壽奈何弗永當是時 孺人深痛子亡憂
心如焚雖飲水不清焉幸膝下冲孺有二保抱攜持以消遣
暮年及孫成童 孺人年七十有七卒于 咸豐丙寅春永
訣時囑一孫曰持家以勤儉爲先涉世以真誠爲尚慎勿偷
閑使詐致玷乃祖遺風君子以爲巾幗丈夫亶其然乎

從堂孫秀如謹識

旌節烈曹孺人傳

孺人曹氏練團 圭章公諱祖璋室也年廿四夫卽喪號泣
悲哀氣絕而蘇者再或有憐其年少家微勸之再適謂人生
世間如輕塵樓弱草何辛苦乃爾况夫家寒淡遺產無多膝

下二雛養羽尤亟守此不難爲耶 孺人曰吾聞仁者不以
盛衰改節義者不以成亡易心設夫在遂欲保終夫不在遽
忍棄之禽獸之行吾豈爲哉矧 翁姑年邁供養乏人二子
穉幼保抱靡恃吾若再醮則憂貽翁姑而下累二子何以慰
亡夫於地下也願捫舌勿多談數十年茹荼含蓼甘若齋飴
竟守二子成立夙嚴教訓能爲警覺長子克家遠服賈美利
多羸次子奉養近力田勤儉廣業自是孫山崛起秀讀樸耕
足衣食興禮讓前上咸豐九年己未春二月賊兵犯境孺人
率其家人并失怙恃胞姪避兵永邑關王廟杉樹隴被賊執
罵不絕口賊殺之非孺人身冰霜貞苦節白圭靡玷而能若

是乎宜其採入縣誌參坊祠表發潛德之幽光受榮施於沒
世與 贊曰烈女之操妾心古井水波瀾誓不起柏舟之作
鬢髦實我儀之死矢靡他二詩永傳罕與比肩
孺人氣節璧合珠聯千秋俎豆享所宜然

邑庠生姻晚焦俊升星階氏拜撰

謝府祖璿字璿璋先生贊

先生隱君子也立心醇厚處事和平孝事二人友愛兩弟睦
族和宗如光風霽月不設町畦所守者惟田園所樂者非名
利無懷氏之民與葛天氏之民與

邑庠生姻弟許成基拜題

謝府壽山先生暨德配張孺人七旬晉一雙壽序

竊以天地所生木之瑞者連枝花之奇者並蒂惟人最靈而
人之福者莫若齊眉齊眉之說昉於德曜孟氏舉案敬其夫
于梁鴻後遂因以稱人偕老蓋壽徵於眉故詩中言壽者多曰
眉壽眉之齊雖由福致實本德成也歲己巳余應郴侯書院
聘明年春抵其地覽其形勝程水注資興之北郴山峙程水
之南迴龍峯秀醺醺淑氣所鍾諒必有德隆福備以齊
眉者庚午仍主講郴侯解館後奔走名場盤桓京邸遂與程
鄉諸友疏然心契神交雖距隔數千里外固無時不作落月
屋梁想也洎後由京旋梓頤養家居客有自資興來者頗能

言上方言
八十五
翺縷 先生之懿行且因乾德及坤德彙括 孺人之徽音

低徊俯仰言之津匕謂 先生家程水鄉陳留洪枝也幼失

怙萱堂年廿四孀守家貧嘆難成立稍長力穡東阡自食其

力事慈幃以孝謹聞問寢視膳未嘗偶疏卒後旌節烈已銘

於坊短於祠矣昆季二怡怡式好長兄服賈粵東所獲美利

恣所爲不問出入 先生亦無私囊久之業益廣焉自奉甚

約而事闕義舉靡不樂從鄉建書院族立義學醵其金無吝

色亦不欲先人以市名也理族中公務會計詳明秋毫無敢

苟人以是多廉之 先生不甚讀書雅能重道尊師性渾樸

羞事雕琢與人處勿輕爲睚眦生平所爲類然豈獨其天性

然哉蓋亦有內助焉尊聞 張孺人幼聰慧能諳姑性既笄

後椎髻布衣不翻新花樣儉復勤井臼餘閒卽刀尺機絲無
少倦焉姑教謹嚴稍不稱意旨便督責之 孺人多方承志

絕不聞詬誶聲聞以內靜好雍和如賓相敬尤能知大體凡
先生有善行俱從憑之舉丈夫子四教以義方間亦和熊助
讀長敏學能爲帖括仲繼令兄嗣叔季皆恂謹樹德務滋福
蔭後葉矣然則 孺人之坤順固有藉乎型于 先生之

乾健亦有資乎內則剛柔相濟皆本於其德克邵而其年不
漸高耶己卯陽月適 先生弧旦 孺人悅辰祝者相與

陟迴龍而杖求靈壽汲醴醪而酒釀延齡徵序於予予栴俟

主講時雖未覲 先生面而令長郎從遊兩載知其不能辭

也因綴文贈之夫福由德聚壽在福先是即連枝之松柏並

蒂之梅蘭豈尋常齊眉所可擬哉南山之四章曰樂只君子

遐不作壽頌德音之茂也則請為子姓進一觴曰為此春酒

以介眉壽復賚綏我眉壽黃耇無疆 先生與 孺人

其亦欣羨於眉壽無有害交咏宜言飲酒與子偕老也乎

王戌恩科舉人梧岡伍鳴鳳頓首拜撰

...

...

...

恭題

貴芳公姻先生德照

性嗜詩書志忘溫飽足跡罕履公庭胸次不雜煩惱孰可孰
否巨眼難逃閑是閑非長髯盡掃去留何恠適意者月夕花
晨寵辱胥捐愜心在烟村霧島時而呵叱大笑高談而四座
皆驚時而落落不羈暢飲而千盃尙少有子則義方是訓出
類爲多貽孫則頭角非凡超羣定早宜其名標寰宇無殊北
海真仙抑且譽播辟雍共羨東山大老

恭題

貴芳公孺人羅太君年嫂玉容

古稱鴻婦亦曰萊妻屏珠翠於弗飾甘井曰其如飴奉姑嫜
而髓脩維勤盤多兼味處妯娌而猜嫌悉泯析有同衣佐成
夫子之名嘉偶兼爲益友造就諸郎之德慈母卽作嚴師膾
鯁調蓴旣咄嗟而立辦解囊推食且遠近之相宜凡此芳型
之足仰實爲幽閩之堪奇在今日誠鮮矣惟 孺人信有
之

大清道光辛丑年孟夏月芒種後六日

穀旦

普濟書志志盛論見 眷教弟敦吾唐世叙盥手拜撰

貴貴公賦表主慈弟

恭錄

恭祝

太學生貴柱封君謝公德配曹太君老孺人七秩悅辰榮壽

序

昔余歲在戊子主講西山書院興甯謝生作舟不遠數百里
負笈從遊余嘉其來學之誠見其志行超遠意度夷曠爲文
亦如之竊喜及門得一佳士意其積習名教者素矣暇乃詢
其家世得知太學生諱貴柱字清選號廻瀾乃其尊甫封翁
也當年蚤歲而孤事母以孝聞慷慨仗義根於其性嘗爲同
井釀金置產以運兵谷正供用是永杜浮勒而賓與之資亦
取具焉橋梁道路平易以時無或靳寒峻之膏火不給者輒

飲助之惜 封翁享年不永幸賴 壽母鞠育俾生以至成
立蓋 慈訓所垂無日不以讀書爲善無忘遺命爲諄七云
生辭歸後荏苒一紀有奇余用契闊者以之比余來應王郡
伯聘掌教敝州義學生適遣伴來遠齎翰書具言 母氏來
效壽且七十願得一言於設輓之辰以侑觴焉余聞之詩曰
爲此春酒以介眉壽蓋古者晏飲之節必起爲壽不必其子
也亦不必於生日然酒誥曰厥父母慶致洗腆自用酒言慶
則生日可知矧絳甲將周爲之子者用展審鞞鞠臚之敬禮
也而事親之禮不盡於此夫爲善思貽父母命名而讀書則
爲善之基也古之君子立身行道揚名於後世以顯父母壽

孰大焉晉書載劉真長幼時人比之袁羊其母勗之曰此非
汝比有方之范汪者母又不聽後真長年德轉升論者比之
荀粲蓋真長顯而其母亦與之俱顯矣漢書又載扶風曹世
叔之妻有節行法度作女誡七篇以助內訓帝令皇后諸貴
人師事焉號曰大家行年七十神明堅固史策以爲美談今
太君吾宗也夙昔稟承家訓嫻於女誡故能事尊章相藁砧睦
於妯娌仁於臧獲無不動中禮法卽至黃鵠早賦而以恃兼
怙一如大家之教其子穀福履之綏正未有艾今伯兄才亮
身列成均生方登上舍余向具喜聯並寄郵書慶賀蓋於生
有厚望焉生宜如何加勉求所謂年德轉升者如真長也逸

莊子曰讀書爲福夫風雨一編何福之爲不知人人之生也
攜持保抱資之父母及其長也世故倥偬展轉于胸中銷磨
歲月無以綿詩書之澤者蓋更僕難數生今有母如大家
又得伯兄爲家督無內顧之虞所當潛心稽古扶搖直上掇
取科甲爲堂上博五花之封則真長不得專美於前矣以是
壽其母較諸斟延年之杯晉長生之枕孰爲得禮意乎余
以山川修阻不獲展登堂之誼因推本太君所以厚期於
生者而揚摧陳之
太君聞之必懽然解頤謂非絳河青鳥尋常善頌善禱之辭而
灌引一觴也是爲序

賜進士出身翰林院庶吉士 國史館協修官安徽繁昌縣知

縣疊充嘉慶癸酉丙子兩科江南鄉試同考官加四級紀

錄五次宗弟桂陽州翊庭曹德贊仲襄甫頓首拜撰

匾額

慈竹長春

壽聯

鶴算開圖金護日麗 雲靄西池星臨東閣

鯉庭晉酒玉樹風高 尊開北海酒近南山

再撰並書

皇清道光二十二年歲君壬寅孟秋瓜月中浣

穀旦

恭祝

謝老封翁諱貴楨字正選號築周先生七旬開一榮壽序

時當麗月小紅開稱意之花水出程鄉重碧醞延齡之酒何必廖家井上始產丹砂抑知謝氏庭前偏生紫筍文節以真君作號道字巖然淑源以益壽爲名丰神亦若茶惟 正選

三兄先生生東山貴冑西塘名家華辰祝嘏命下走以摛詞畫錦開筵促鄙人而獻頌不辭固陋願效賡揚約有三善之稱允當千秋之祝慨自紈綺之風競起師儒之道不尊王司徒深夜持籌專精會計晉祖約傾身障麓酷嗜屏擋富與富相耀貪金玉算及錙銖習與習相沿薄詩書視爲糟粕敬學

之風已邈斯文之道何存掘門寒俊誰能寵以聲華委巷經
師孰是丐之談論 先生則重道隆賓致敬盡禮班荆贈紵
鹿車駢問字之人倒屣傾箱馬帳揖橫經之客敬頌 先生
斯美一也從來獲福必歸積德之家大抵延生恒屬敦行之
士 先生綵袖娛親白華將母情深棣葦踐惡牛羊馬伏波
之待兄子訓誡維殷第五倫之鞠弟帑恩情備至推之梁成
洲渚無非仁者之爲路建亭廬得除宵小之害吹篴客到豈
緣急難以爲嫌織屨人來不假有無而自解故離鸞之殆多
賴以全而涸鮒之危且資以濟者矣敬頌 先生斯美二也

我

皇上當御極之初

諭天下舉引之典斯時也人皆生於絳縣地盡屬乎丹邱據實
報者雖云多以虛邀者復不少或常侍吟詩之歲猥云差近
伏生或蘭陵遊學之年詎曰遠過卓古邠城藉沐

榮光衣冠指爲盛事時難再得我亦勸公爲之君無敢欺

公嘗辭我不可襟期磊落直求之古人之中慷慨激昂可厲

夫梯榮之士敬頌先生斯美三也備此三善之直宜致諸

福之集儀虔舉案爭羨閭君香噴采芹咸欽家子雕龍蠟鳳
髻亂皆對食之兒犀鞞珠鞭少長盡朝天之客茲者日行東
陸侯紀青陽欣逢指使之辰遙獻升恒之祝丁年玉樹跪對

延壽之孟亥字銅仙笑聽長生之曲

大清道光十二年歲次壬辰季春月上浣

穀旦

選拔候銓州判眷教弟段騰奎頓首拜撰書

國重公元配何孺人七旬晉一悅誕序

余與兄翁族昆季也地分東北得望見顏色之日淺自兄遊
泮後始挹芝眉既又數晤於宗祠祚飲與州試旅邸間相逢
把袂言笑爲歡遂成莫逆人咸謂吾兩人雖共族若同胞然

良不謬已余本匪材承兄兩次延列西賓動經數載是以得
款兄家者屢卽接見於兄嫂者亦多今茲仲冬爲兄嫂六十
輓誕之辰兄因囑余一言以爲壽余謝曰世俗之徵文者必
求所稱名公鉅卿揆藻摛華道揚善美錦屏於是乎增色卽
不得其人亦必託文望素隆者丐其絕麗之詞以爲一時光
寵何屑也余言是問耶兄曰唯唯否也占少女於西方位夫
人於南國言非不華也而失實謂之誣歌天保者頌岡陵詠
行葦者祈黃耆言非不美美而寡當謂之諛旣諛且誣非所
以壽爾嫂也余聞之躍然起曰旨哉斯言足令世之無實沽
名者愧也謹如命據實以陳不敢蹈誣且諛之誚焉兄嫂以

名家子素嫻內則德性靜婉隱匕有桓孟風動止多以禮自
節課而女紅愼而言笑閨閣中方景慕推女宗旣而作嬪於
兄警雞戒旦相敬如賓兄得蜚聲西庠皆兄嫂內助之力居
多他如庭除嚴肅外言不入內言不出卽有冠婚晏會諸大
禮而裙裾未嘗曳堂闕間至事舅姑數十年無怠色兄有祖
母年踰古稀矣兄嫂之事之也較爲新婦時勤慎更十倍以
爲吾祖母老孫媳雖多惟余服事以能調性情順好惡是以
一棗一粒一衣一履必躬親假手藏獲則厥然勿安也兄好讀
書壯尤喜延師款友凡四方來學與素結契者見之輒爲投
轄流連兄嫂則議酒漿供殺饌賓主盡歡不見瓶罄或有時

他出兄嫂則撐持門戶擘畫經營上事下撫不貽兄以內顧
憂舉丈夫子二皆森森玉立課讀之責父師兼之且孫枝疊
出皆國器掌珠一門之慶滙於此矣然則兄嫂之靜正如是
孝謹如是且又敬愛勤勞如是何一非延壽之徵哉余館東
鄉多年其於兄嫂聞範不惟聞之悉抑且見之詳故得援實
述厥巔末以佐稱觴並呈兄覽兄乃撫其鬚而笑曰賢弟之
言不諛不誣是真足以壽爾嫂已

道光癸卯仲冬月下浣

穀旦

愚族弟廩生才科拜撰

讀王父芳臣公傳慨然有感

善行有萬端孝友爲先務爲善者必昌我公敦倫著門祚
胡哀薄歷歷可言喻大伯在仁公三子如金鑄再傳僅一孫
忽諸在朝暮二伯在楚公身長作強禦夭折僅卅紀子亦早
物故三伯陞鳳公積學老不逾愈老愈困窮四子祇一娶四
伯上欽公三十玉樓赴三男一有後窮乏日難度吾父命較
通言之亦少趣三男七婚經兩世五遷屢構訟非一次謀生
非一誤家道值中落有如車中鮒送窮空有文逐貧公有賦
吾父早升遐風樹徒自晤居止今甫定饑寒猶自怖伯兄男
有三我兒猶稚孺季弟近四旬尙懸弄麈慕天於善人後胡

竟不一顧毋乃 芳臣公地下昧不寢亦或有餘殃難遽獲

天助善報若應爾為善者其懼總之古今來理不能勝數

道光戊申年五月下浣

吉日

孫廩生風華謹識

慰蓼江宅心宗兄讀祖傳有感

有德無不昌從古皆如此况乃公祖篤親孝友更莫比族黨

仰芳徽家乘載源委厥後應克昌吉祥添止止何為誦門兄

詩知兄慨天只公祖歿門祚衰福履缺葛藟從兄弟多殀存

者呼庚癸又傷已家事亦多悲少喜豈彼蒼者天夢夢真枉
視善人爽報施代憤滿閭里果報有遠近論數亦論理惡難
久逆釐善終致蕃祉在昔孔聖人趨庭僅一鯉三代皆燹獨
未擅椒聊羨洎漢唐以來衍聖蕃孫子又昔趙孟家下宮罹
傾否勲忠幾無後孤兒文葆裡戰國乃稱雄馬營更崛起美
報食之遲堪稽書所紀詎乃祖行芳後葉長衰靡從兄數人
健興或日可指 兄還早舒翹鬢序稱魁士昆季善居奇家
財漸厚履子姪有數輩頂流甘露紫他年大門閭發祥自今
始天道終福善熾昌堪預擬

郴陽增生宗弟仁山再墨

恭祝

翬飛年大兄謝先生暨

德配袁孺人六旬開一雙壽序

星輝南極躔寶婺以凝光雲繞西池曜長庚而煥彩天上炳

銀河之瑞景麗重輪人間舒月殿之華祥開並蒂則有人欽

萊缺望重梁宣剛柔合德屢呈集慶之符健順攸宜滂食純

禧之報彭篋歲月金母春秋惟箕子之疇多故于公之門大

如漢甯

翬飛年大兄謝先生者東山貴冑西塘名家淑源懋德獨標益

壽之名文節敦行肇錫真君之號門風瓌麗人瑞羅生

大兄生而神靈幼而英敏聰明天授無慚美玉之稱穎悟性成
不愧家駒之譽楊梅解對苦李能知夫何歲當羈貫卽遭任
昉苴杖之憂年甫勝衣旋罹和嶠塊苦之慟維時遺雛弱息
幾傷慈母之心不謂斷縷零絨厥有興宗之緒

尊大父世英公垂澤寶田殷勤石硯聽祖考之彞訓狄兼謨勉
嗣家聲念前代之清芬王鎮惡勵承先志於是笙簧六籍散
饌百家侯子瑜旋蝸績學夜卽爨柴高文通屈夔窮經晝而
稟麥採池中之芹漭潔可羞王呈足下之風雲高能傍日故
乃不樂時榮雅懷高尚機輟桐帽摩挲於露濃煙淡之秋茗
柿爐薰掩映於山曉水明之候或慕陶朱之術適志湖湘或

言上方言
希端木之賢粥財漢水取與不苟力閑虞詐之風誠信無殊
于事父愛弟不自知爲兄門庭清肅不渙貪泉堂構新成惟
栽讓木故分田授宅恒甘朽敗之貲而讓惠推梨無取碩肥
之果以暨善以交人終身不易和以睦族急難維殷孟公好
客常投井底之輪文舉迎賓不涸盃中之酒由是鄉城以內
士林多奉爲楷模抑且桐闕之中天性益徵其篤摯劉寬雅
量無妨侍女之污衣杜老高情惟任鄰家之樸棗人頌
謝先生之德施不少實緣

袁孺人之內助居多 孺人德懋珩璜質同蘭蕙名齊鍾郝
族壓譚邢華齡降阼徽柔不讓夫禮宗吉日齊牢靜好無煩

於姆教閨中譽滿怡然鴻案之相莊林下風清展也鹿車之
對挽和諧妯娌共提陌上之筐 惠愛奚奴自織盤間之素

噓其善氣衍作吉祥種厥仁心蒸爲戩穀盈堵生玉樹特達
堪珍超宗有鳳毛一夔已足矧乃乘龍快婿喜白馬之盤陀
繡虎文孫徵烏衣之瑜珥一庭集福五世其昌余蒞此已逾
十年關情原非一日幸值華辰恭申譟語德門盛事嘉穉齊
年邇時桂宇香飄爲絳縣懸弧之吉明年龍舟競渡適金妃
設帳之良大衍宏開於連歲遐齡共祝於一朝行見橘中十
叟並擊雲璈而來竚看竹裡雙妃齊翻寶瑟而至是爲序

勅授文林郎乾隆壬子科舉人嘉慶戊辰

議丘族詩
恩科大挑補授直隸郴州興寧縣教諭

年家眷同學弟孫鋌頓首拜撰書

道光元年歲次辛巳仲秋月中浣

穀旦

晉祝

登仕郎彩昌謝老二兄先生暨

淑配曹孺人七旬開一雙壽

古道之維持不必在縉紳先生也
卽山林隱逸士克敦樸誠而務本業是卽先民之程上之可以應輶軒之採下之可以樹鄉里之型近之而敬德聚於一家遠之而福澤蔭於後嗣苟觀感而向慕焉其于世道人心不無少補乎知此可以介

程鄉 謝彩昌先生夫婦眉壽矣余以知縣揀發湖南卽任
茲邑鞅掌無虛每以公事下鄉刑科經承謝洛書者呈卷精

明辦牘勤慎無刀筆習有儒家風必其稟於父若母之教者
深然後醇謹溫文時流露於舉止吐囑間而無所掩詢其家
世其尊人爲 彩昌先生大父周南公舉丈夫子三孟曰紹

昌季曰閔昌 先生居仲行年甫十齡尊人卽世賴母氏廖
苦節撫孤 先生成童未冠早自耕作立家迨昆仲分居析

節雖受田產稀微年七力耕以供母膳而且慈闈善病曲盡
子儀其奉養謹愨不愧令德孝慕亦克友於兄弟已如此夫
以先生之樸誠務本不必身列縉紳雖屬山林隱逸士以之

訓俗型方亦足以維持乎古道特其弗履城市未嘗不抱白露伊人皎駒空谷之慕爾又况德配氏曹紹大家風範具

溫惠質淑慎其身鷄鳴是警鴻案相莊直若季曰過冀所稱夫妻相敬如賓者生子原符竇家數三與五雖分承內外宗祧而玉器樂成季子滿福常祗服父事肯播穫於田間仲子浴書則奉先生之教作吏於縣常存濟人利物之心不失

先生忠厚傳家之意是宜惟漢代東海于公亦以縣吏積陰德迨其子孫能高大其門今先生壽愷偕老子孫眾多所爲克昌厥後者正未有艾不徒以勤儉致富已也將來誦讀成名亦指顧間事又何異老萊高士處蒙山而夫婦偕隱忘

年耶茲洛書以春夏之交乃父若母週甲添籌雙慶入署請
序余謂敬者德之聚也德者福之基也卽壽富康寧惟德攸
好如 先生之敦樸誠務本業先民是程敬德聚于一家福
澤蔭於後嗣者豈多得哉行見門東西之弧幌延釐闔內外
之健順合德未然之數可以必然之理券之惟 先生德音
是茂請爲子姓行首侑一觴曰爲此春清酒以介眉壽復聯
以 德配亦忻幸眉壽無有害交咏宜言飲酒與子偕老也
乎是爲序

大清道光二十七年歲次丁未端月下浣

穀旦

特授文林郎署湖南直隸郴州興寧縣事

言上
方
言
卷
之
一
春弟長洲宋翔鳳拜撰

謝母黎孺人九旬開一壽序

余自上公車廁襄修史見江東陳氏百口同爨善氣薰蒸旁
流橫溢未嘗不慨然興嘆以爲近今殆不可復覩俸滿筮仕
南楚歷任煩劇旋膺簡命謬宰斯土案牘之暇獲與謝君
經綸先生相欵洽者累月乘間咨訪因悉令叔母黎孺人
以德致壽冠乎六城蓋孺人誕育名門慧解吟柳敏能刺鳳
白爲閨秀羣已奉爲京兆女宗迨百輛旣御上事翁姑飲食
起居先意養志兩尊人賴之忘老於婦道無忝焉助夫子相
敬如賓舉案任春位置直齊桓孟於妻道亦無忝焉舉丈夫

子五訓以義方不事姑息自穉幼以至成立一遵太妣遺法

以故諸嗣君卓然傑出或則蜚聲城市或則馳譽州里均不

媿爲東山佳子弟於母道更無忝焉然此猶不足爲孺人

異所可異者當孺人于歸年甫二八乃不數載堂上二老

相繼遐舉孺人與夫君主持家政迎娶諸妣摒擋部署遠

邁老成已而夫君復逝孺人青年茹藥構華堂增沃產男

婚女嫁獨力經營綽有餘裕家人初四兩交洵可爲孺人

占之而一生終溫且惠和妯娌而析有同衣諧鄉鄰而河可

共潤以暨聯姻欵戚與物爲眷老而彌篤由是協氣所噓一

門默化內外少長咸敦雍睦同饗者幾近百口嗣雖以食指

殷繁迫於隨俗而自分析後一堂四代相聚怡怡近今數十
有餘丁同一爨噫是非今日之江東陳氏耶不有孺人之
盛德亦何由致此耶宜乎天之錫以眉壽愈老而愈康也茲
十有二月丙午朔越十有五日庚申孺人宏開九旬初度
里人士僉謀製錦請序於余余固幸向之恐其不可復覲者
竟得以再覲而尊崇高年表揚懿德以紀國家之盛亦宰
斯土者職也爰樂爲濡毫爲諸君子之祝嘏者倡並備彤廷
之修史者採焉

時

大清道光丁未年冬月中浣

穀旦

勅授文林郎知湖南郴州直隸州興甯縣事加三級紀錄十次

眷弟銑溪張寶辰頓首拜撰

